


埽葉山房叢鈔

二十四

4曾4  
893  
24

廿四



門 1 4  
號  
卷



廿一 史約編

吳興 鄭元慶 述

男惟翰 恃何 編次

徐秋萼 蘭仲

沈 澧 資萬

沈 鉉 開音 參訂

閩中陳瞿石先生 鑒定

三國志全目 志以魏為正統 茲仍其目次

魏志三十 史 僭

武帝 操

文帝 丕

全目

絲

明帝叡

齊王芳 高貴鄉公髦 陳留王奐

后妃武卞后 文甄后 郭后 明毛后 郭后

董卓李灌 郭汜 袁紹子譚 尙 袁術 劉表

呂布 張邈陳登 臧洪 容

公孫瓚 陶謙 張揚 公孫度子康 康子晃 淵 康弟恭 張燕 張繡

張魯

夏侯惇韓浩 史渙 夏侯淵 曹仁弟 純 曹洪 曹休子 肇 曹真子 爽

弟 義 訓 何 晏 鄧 颺 丁 謚 畢 軌 李 勝 桓 範 夏侯尙子 玄

荀彧子 惲 孫 颺 冀 荀攸 賈詡

袁渙 張範弟 承 涼茂 國淵 田疇 王脩 邴原 管甯胡 昭 王 烈

張 珩 焦 先

崔琰妻 圭 孔 融 許 攸 毛玠 徐奕 何夔 邢顛 鮑勛 司馬芝

鍾繇子 毓 毓 華 歆 王朗子 肅 周 生 烈 董 遇 隗 禧

程昱孫 曉 郭嘉 董昭 劉曄 蔣濟 劉放孫 資

劉馥 司馬朗 梁習 張既 溫恢 賈逵李 孚 楊 沛

任峻 蘇則 杜畿子 恕 孫 預 鄭渾 倉慈

張遼 樂進于禁 張郃 徐晃

李典、李通、臧霸孫觀、文聘、呂虔、許褚、典、章、龐德、龐涓

母娥 閻溫 張恭恭  
親 子就

任城威王彰、陳思王植、蕭懷王熊俱操

武文世王公操子昂 樂冲 據宇 林

勤 乘整 峻 矩 幹 土 彪  
茂 丕子協 毅 京 均 棘 徽  
豈 貢

王粲徐幹陳琳阮瑀應瑒劉楨邯鄲淳繁欽路粹

威吳 衛覲潘勗 劉廙 劉劭繆襲仲長統蘇林韋

傅嘏

桓階、陳羣、陳泰、陳矯、徐宣、衛臻、盧毓

和洽、常林、楊俊、杜襲、趙儼、裴潛子秀

韓暨、崔林、高柔、孫禮、王觀

辛毗、楊阜、高堂隆棧

滿寵、田豫、牽招、郭淮

徐邈、胡質子威、王昶、王基

王凌令狐 母邱儉 諸葛誕唐 容 鄧艾 州 鍾會 王

方伎華佗吳普樊阿 杜夔 管輅

烏丸、鮮卑、東夷夫餘高句麗東沃沮挹婁

蜀志十五正史

二牧劉焉子璋

先主

後主

二主妃子先主甘后 穆后 後主敬哀后 張后 先主子永理 後主子璿

諸葛亮子喬瞻 董厥 樊建

關羽 張飛 馬超 黃忠 趙雲

龐統 法正

許靖 糜竺 孫乾 簡雍 伊籍 秦宓

董和 劉巴 馬良弟 謨 陳震 董允陳祇 黃皓 呂乂

劉封 彭美 廖立 李嚴 劉琰 魏延 楊儀

霍峻 王連 向朗兄子 龍 張裔 楊洪 費詩

杜微 周羣張裕 杜瓊 許慈 孟光 來敏 尹默 李譔 譙周

卻正

黃權 李恢 呂凱 馬忠 王平 張嶷

蔣琬子斌 斌弟 顯 劉敏 費禕 姜維

鄧芝 張翼 宗預廖化 楊戲王嗣 常 播 衛 繼

吳志二十史 儼

孫堅孫策

吳主權

孫亮孫休孫皓

劉繇子太史慈士燮子徽弟壹

妃嬪孫破虜吳夫人夫人弟景孫權謝夫人徐夫人祖父真父琨步夫人王夫人

宗室王夫人潘夫人孫亮全夫人孫休朱夫人孫和何姬孫皓勝夫人

張昭子承休顧雍子邵邵諸葛瑾少子步騭少子

張紘子玄立嚴峻裴程秉微闕澤唐薛綜子翊

周瑜魯肅呂蒙

程普黃蓋韓當蔣欽周泰陳武子董襲甘甯凌統

徐盛潘璋丁奉

朱治朱然子呂範子朱桓子

虞翻子汎忠陸績張温駱統陸瑁吾粲朱據

陸遜子

吳主五子登慮和

賀齊全琮呂岱周魴鍾離牧

潘濬陸凱弟

全目

五

絲

是儀胡綜徐詳

吳範劉惔趙達

諸葛恪滕胤孫峻留贊孫綝濮陽興

王蕃樓玄賀邵韋曜華覈

晉書全目正史

帝紀十

高祖宣帝懿

世宗景帝師太祖文帝昭

武帝

惠帝

懷帝愍帝

元帝明帝

成帝康帝

穆帝哀帝廢帝

簡文帝孝武帝

安帝恭帝

志二十

天文三

地理二

律歷三

禮三

樂二

職官

輿服

食貨

五行三

刑法

列傳七十

晉

后妃 宣穆張后 景懷夏侯后 景獻羊后 文

明王后 武元楊后 武悼楊后 左貴嬪 胡

后妃 元敬虞后 荀豫章君 明穆庾后 成恭杜

后章周妃 康獻褚后 穆章何后 哀靖

王后 廢帝孝庾后 簡文宣鄭太后 簡

王祥 覽鄭冲何曾 子劭 石苞 子歐陽建孫樂

羊祜 杜預 子錫

陳騫 子裴秀 子頽 從弟

衛瓘 子恒孫 張華 子禕 劉下

宗室

安平獻王孚 子邕 邕弟義陽成王望 望子河

間平王洪 子威 洪弟隨穆王整 整弟竟陵

王楙 望弟太原成王輔 輔弟翼 翼弟下邳獻

王晃 晃弟太原烈王瑗 瑗弟高陽元王珪 珪

弟常山孝王衡 衡弟順王景 彭城穆王

權孫紘 紘子俊 高密文獻王泰 子孝王略

王模 模子保 范陽康王綏 子虓 濟陽惠

王遂 曾孫勳 譙剛王遜 子閔 王承 承子烈

王無忌 無忌子敬 王恬 恬子忠 王尚 承子之

弟恢 之休 之允 之韓 延之恬 弟情 高陽

宣五王

平原王幹 郎邪武王伯 子觀 瞻 孫 權

孝王 文六王 齊獻王攸 子襲 贊 實 城陽

廣漢王 廣德 樂安 遼東悼惠王定國

平王 鑒 樂平王延 詐 七 絲

全目



王沈子荀顗子荀勗子潘藩子潘濂子潘閭子馮統

賈充孫謚充弟混族子模郭彰弟楊駿弟珧弟濟

魏舒弟李熹弟劉寔弟高智光

王渾子齊弟王濬弟唐彬

山濤子簡子簡弟王戎從弟衍弟衍弟樂廣

鄭袤子默子默弟李肩子盧欽子浮弟班弟班弟華表子虞弟虞弟恆弟虞

弟石嶠弟溫弟羨

劉毅子和弟嶠弟武陔弟任愷弟崔洪弟郭奕弟侯史弟史光弟何樊

劉頌弟李重

傅玄子咸弟咸弟祗

向雄弟段灼弟閻纘

阮籍兄子咸弟咸弟瞻弟弟字嵇康弟向秀弟劉伶弟謝鯤弟

胡毋輔之子謙弟畢卓弟王尼弟羊曼弟光弟逸

曹志弟庾峻弟岷弟郭象弟庾純弟秦秀

皇甫謐子方弟摯虞弟束皙弟王接

卻詒弟阮种弟華譚弟袁甫

惠帝弟愍懷太子弟遹弟臧弟尚

陸機弟孫陸雲弟耽弟從弟兄弟喜

晉

夏侯湛弟湛潘岳從子張載弟協

江統子彪孫楚子衆綽子統

羅憲兄子滕修馬隆胡奮陶璜吾彥張光趙誘

周處子玘周訪子無撫周訪子楚周訪子瓊

諸王隱王瑋趙王倫齊武閔王罔鄭方長

沙厲王父成都王穎河

解系弟結孫旂孟觀牽秀繆播從弟皇甫重張輔

李含張方閻鼎索靖子賈疋

周浚子嵩成公簡荀晞華軼劉喬孫眈

劉琨子羣祖逖兄

邵續李矩段匹磾魏浚族子郭默

武十三王毗陵悼王軌秦獻王東城陽懷王

景城陽王憲東海王冲王祇始

平哀王裕淮南忠壯王允代哀王

演哀王懷王該清河康王遐汝

晏哀王冲武陵威王簡文三子會稽思

生臨川獻王郁琅邪悼王煥簡文三子世子道

王導子悅洽劭蒼洽

劉弘陶侃侃子洪瞻夏琦旗斌稱

全目

九

絲

温嶠子慎 鄒鑒子超

顧榮紀瞻 賀循方薛兼

劉隗孫才協 戴若思弟周顥

應詹甘卓 鄧下壺從兄 劉超鍾雅

孫惠熊遠 王鑒陳頴 高崧

郭璞葛洪

庾亮子彬 蘇弟

桓彝子雲 雲弟 豁子石虔 石虔子振 石虔弟 石

秀石民 石生石綏 石康豁弟 祗祗弟 冲冲子

王湛子承 承子 述述子 坦之禕 之坦之子愷 愉荀

崧子鞋 范汪子甯 劉惔張憑 韓伯

王舒子允 王廙弟彬 王稜虞潭 孫嘯父 顧象張

閩

陸暕弟玩 玩 何充褚翹 蔡謨諸葛恢 殷浩顧悅之

孔愉子汪 安國弟祗 從子 丁潭張茂 陶回

謝尚謝安 安子 琰琰子 混安兄 奕奕子 玄安

王羲之子玄 之疑之徽 之徽之子楨

王遜蔡豹 羊鑒劉肩 桓宣伊族 朱伺毛寶 子穆之

晉

德宗人 劉遐 鄧嶽 子朱序

陳壽 王長文 虞溥 司馬彪 王隱 虞預 孫盛 子潛 于放

寶 鄧粲 謝沈 習鑿齒 徐廣

顧和 袁瓌 子喬 喬孫山松 瓌弟猷 從祖江道 從弟湛 豹 子質 質子湛 豹子湛 豹子湛 豹子湛

績 子車 肩 殷 覬 王雅

王恭 庾楷 劉牢之 子敬 殷仲堪 楊佺期

劉毅 兄 諸葛長民 何無忌 檀憑之 魏泳之

張軌 子實 實弟茂 實子駿 駿子重華 重華子耀 靈耀 靈伯父 耀靈弟玄 覬 玄覬 叔天錫

涼武昭 王李玄盛 子士業

孝友 李密 盛彥 夏方 王良 許孜 庾衣 孫晷 顏含 劉殷 王延 王談 桑

虞 何琦 吳達

忠義 嵇紹 從子含 王豹 劉沈 麴允 焦嵩 賈渾 王育 韋忠 辛勉 劉敏元 周

該 桓雄 韓階 周崎 易雄 樂道 融 虞悝 沈勁 吉悝 王諒 宋矩 車

濟 丁穆 辛恭 靖 一羅 金生 張禕

良吏 魯芝 胡威 杜軫 竇允 王宏 曹攄 潘京 范晔 丁綰 喬智明 鄧攸

吳隱 之

儒林 范平 文立 陳邵 虞喜 劉兆 范毓 徐苗 崔遊 范隆 杜夷 董景道

續咸 徐邈 孔衍 范宣 韋謏 范弼 之 王徽

全目

十一

絲

晉

文苑 應貞 成公綏 左思 趙至 鄒湛 束

李充 褚陶 王沈 張翰 庾闡 曹毗

外戚 羊琇 王恂 弟虔 愷 楊文宗 羊玄之

澄 虞豫 子脩 庾琛 杜乂 褚良 何準子

隱逸 孫登 董京 夏統 朱冲 范粲子喬

董養 霍原 郭琦 伍朝 魯褒

任旭 郭文 龔壯 孟陋 韓

翟之 翟秀 翟湯子莊 郭翻 辛謚 劉

藝術 陳訓 嚴卿 陶澹 陶潛 郭荷 郭瑀 邢嘉

戴洋 韓友 陶潛 郭瑀 邢嘉

嚴卿 陶澹 陶潛 郭瑀 邢嘉

郭瑀 邢嘉

郭瑀 邢嘉

郭瑀 邢嘉

郭瑀 邢嘉

列女 羊耽妻辛氏 杜有道妻嚴氏 王渾妻鍾

氏 劉衰妻曹氏 愍懷太子妃王氏 鄭

休妻石氏 陶侃母湛氏 賈渾妻宗氏

梁緯妻辛氏 許延妻杜氏 虞潭母孫氏

周顛母李氏 張茂妻陸氏 尹虞二女

荀崧小女灌 王凝之妻謝氏 劉臻妻

陳氏 皮京妻龍氏 孟昶妻周氏 何無

忌母劉氏 劉聰妻劉氏 王廣女 陝婦

人 靳康女 韋逞母宋氏 張天錫妻閻

氏 薛氏 符堅妾張氏 竇滔妻蘇氏 符

登妻毛氏 慕容垂妻段氏 段豐妻慕容

氏 呂纂妻楊氏 李紱妻張氏 李玄盛

全目

十二

系

四夷

夫餘馬韓辰韓肅慎倭人禰離等十國吐谷渾焉耆龜茲大宛康居大秦林邑扶南

王敦

沈充桓溫孟嘉

桓立十範之殷仲文

王彌張昌陳敏王如杜曾杜弼王機祖約蘇峻孫

恩盧循譙縱

載記三十

前趙

劉氏

前燕

慕容氏

後趙

石氏

前秦

苻氏

後秦

姚氏

後涼

呂氏

西秦北燕

乞伏氏馮氏

南燕

慕容氏

夏

赫連氏

後蜀

李氏

後燕

慕容氏

南涼

秃髮氏

北涼

沮渠氏

魏書全目

稍節

帝紀十二

諸帝

毛貨觀樓越推寅利俟  
肆機蓋儉鄰詰汾力微猗  
漢汗機悉鹿綽弗那祿官猗  
盧鬱律賀傳紇那翳槐什翼犍

魏 全目

道武帝 珪拓跋

明元帝 嗣

太武帝 燾 景穆帝 晃

文成帝 濬

獻文帝 珩

孝文帝 宏

宣武帝 恪

孝明帝 詡

孝莊帝 子攸

前廢帝 恭 後廢帝 朗 出帝 脩

孝靜帝 善 見

列傳九十二

后妃 神元后竇氏 文后封氏 桓后郝氏 平文后王氏 昭成后慕容氏 獻明后賀氏

道武后慕容氏 劉氏 明元后姚氏

杜氏 大武太后竇氏 太武后赫連氏

賀氏 景穆后郁久闕氏 文成太后常氏

文成后馮氏 李氏 獻文后李氏 孝文后林氏 馮氏 高氏 宣武后高氏 胡氏 孝明后胡氏 孝靜后高氏

神元平文子孫 紇羅 嬰文 陸 因 壽樂 顏 素延 郁 目辰 六修 比于 呂 孤 敦 石 謂 大頭 齊 處真 泥

昭成子孫 寔君 順 翰 意烈 窟咄 虔

道武七王 紹 處文 熙 曜 黎 脩

明元六王 丕 崇 彌 俊 範

全目

十四

錄

魏

太武五王

伏羅翰譚

景穆十二王

新成子推小新成天賜萬壽洛侯雲楨長壽太洛

兒休胡

文成五王

長樂略

獻文六王

禮若猛

孝文五王

恂愉懌

衛操莫含劉庫仁

燕鳳許謙張袞崔玄伯鄧淵

長孫嵩長孫道生

長孫肥尉古真

穆崇

和跋奚牧莫題庾業延賀狄干李粟劉潔古弼張

黎

奚斤叔孫建

王建安同樓伏連邱堆娥清劉尼奚眷車伊洛宿

石來大千周幾豆代田周觀閻大肥尉撥陸真

呂洛拔

于栗磾

全目

十五

絲



高湖崔逞封懿

宋隱王憲屈遵張蒲谷渾公孫表張濟李先賈彝

薛提

王洛兒車路頭盧魯元陳建萬安國

崔浩

李順

司馬休之司馬楚之司馬景之司馬叔璠司馬天助

刁雍王慧龍韓延之袁式

李寶

陸俟

源賀

薛辯寇讚酈範韓秀堯暄

嚴稜毛脩之唐和劉休賓房法壽

羅結伊歆乙瓌和其奴苟頽薛野脂宇文福費子

孟威

韋閬杜銓裴駿辛紹先柳崇

竇瑾許彥李訢

魏

盧玄

高允

李靈崔鑒

尉元慕容白曜

韓茂皮豹子封勃文呂羅漢孔伯恭

趙逸胡方回胡叟宋繇張湛宗欽段承根闕駟劉

炳趙柔索傲陰仲達

李孝伯李冲

游雅高閏

游明根劉芳

鄭羲崔辯

高祐崔挺

楊播

劉昶蕭寶夤蕭正表

韓麒麟程駿

薛安都畢眾敬沈文秀張讜田益宗孟表

李彪高道悅

王肅宋弁

全目

十七

絲

魏

郭祚張彝

邢巒李平

李崇崔亮

崔光

甄琛高聰

崔休裴延儻袁翻

劉藻傅永傅豎眼李神

裴叔業夏侯道遷李元護席法友王世弼江悅之

涓于誕李苗

陽尼賈思伯李叔虎路恃慶房亮曹世表潘永基

朱元旭

奚康生楊大眼崔延伯

尔朱榮

尔朱兆尔朱彥伯尔朱度律尔朱天光

盧同張烈

宋翻辛雄羊深楊機高崇

孫紹張普惠

成淹范紹劉桃符劉道斌董紹馮元興鹿念張熠

朱瑞叱列延慶斛斯椿賈顯度樊子鵠賀拔勝侯

莫陳悅侯淵

綦儁山偉劉仁之宇文忠之

李琰之祖瑩常景

外戚 賀訥 劉羅辰 姚黃眉 杜超 賀迷  
閻毗 馮熙 李峻 李惠 高肇 千勁

胡國珍 李延寔

儒林 梁越 盧醜 張偉 梁祚 平恆 陳奇  
常爽 劉廓之 張吾貴 劉蘭 孫惠

蔚 徐遵明 董徵 刁冲 李業興

文苑 袁躍 裴敬憲 盧觀 封肅 温子昇  
邢臧 裴伯茂 邢昉

孝感 趙琰 長孫慮 乞伏保 孫益德 董洛  
生 楊引 閻元明 吳悉達 王續生

李顯達 張昇 倉 跋 王崇 郭文恭

節義 于什門 段進 石文德 汲固 王玄威  
婁提 劉渴侯 朱長生 于提 馬八

龍 門文愛 晁清 劉侯仁 石祖興  
邵洪哲 王榮世 胡小虎 孫道登 李

儿 張安 祖 王閻

良吏 張恂 鹿生 張應 宋世景 路邕 閻  
慶脩 明亮 杜纂 裴佗 竇瑗 羊敦

叔 蘇 于洛侯 胡泥 李洪之 高遵 張  
酷吏 赦提 羊祉 崔暹 酈道元 谷楷

逸士 李諡 鄭脩 馬亮

魏

術藝 助 魏 張淵 殷紹 王早 耿玄 劉靈

崔或 江式 周澹 李脩 徐霽 王顯

列女 崔覽妻封氏 封卓妻劉氏 魏溥妻房氏

親妻崔氏 涇州貞女兜先氏 姚氏 房愛

尼妻高氏 史映周妻耿氏 董景起妻張氏 陽

孟氏 苟金龍妻劉氏 盧元禮妻李氏

恩倖 王叔 王仲興 寇猛 趙脩 茹

罷官 宗愛 仇洛齊 段霸 王珩 趙黑 孫

符承祖 王質 李堅 秦松 白整

劉騰 賈柔 楊範 成軌 王温 孟鸞

平季 封

津 劉思逸

匈奴劉聰 羯胡石勒 鐵弗劉虎 徒河慕容廆 臨渭

氏 苻健 羌姚萇 略陽氏 呂光

僭晉司馬叡 竇李雄

島夷桓玄 海夷馮跋 島夷劉裕

島夷蕭道成 島夷蕭衍

私署涼州牧張寔 鮮卑乞伏國仁 鮮卑秃髮烏孤

私署涼王李暹 盧水胡沮渠蒙遜

高句麗 百濟 勿吉 失韋 豆莫婁 地豆于 庫莫奚 契

魏

丹烏洛侯

氏揚難敵吐谷渾宕昌羌高昌鄧至蠻獠

西域六十  
二國

蠕蠕匈奴宇文莫槐徒河段就六眷高車九部

序傳

志十

天象

地形

律厯

禮

樂

食貨

刑罰

靈徵

官氏

釋老

北史全目

魏齊周隋與各書  
無甚同異故不錄

本紀十二

列傳八十八

廿一史約編

吳興 鄭元慶 芷畦 述

葛 敏魯傳 韓錫爵書升

同學

陳 曼量公 徐元禧 非云

參訂

三國志

晉陳壽字承祚安漢人少好學師事譙周先仕蜀以不附黃皓屢見黜落入晉張華愛其才舉孝廉嘗撰諸葛亮集又撰蜀魏吳三國志六十五篇時稱良史張華嘗言當以晉書相付然丁儀丁廙有盛名壽謂其子可覓千斛米見與當與尊公作佳傳丁不與竟不立傳而壽父為馬謖參軍謖誅壽父亦髡遂議亮不長於將略士論以此少之

漢昭烈帝

名備字立德景帝子中山靖王之後父雄

早卒獨與母販履織席為業初依公孫瓚為平原相歸陶謙領徐州牧與袁術戰敗降呂布為豫州刺史布攻帝歸曹操為豫州牧尋起兵討操敗奔袁紹操又擊帝於汝南奔劉表表卒帝走夏口尋破操於赤壁得荆與益為漢中王曹丕篡

漢遂即

後帝名禪昭

魏

曹丕

獻

芳

吳

孫權

皓亮

晉書

唐文皇御撰本凡一百三十卷

西世祖

姓司馬名炎字安世溫縣人祖懿為魏丞相加九錫伯師嗣為大將軍錄尚書事父昭繼

之封晉公進爵為王昭

卒帝受魏禪即皇帝位

惠帝名衷世祖次子

懷帝名熾世祖二十五子

愍帝

名粲世祖孫吳孝王晏子

東元帝

名廢懿之曾孫瑯邪恭王觀子

明帝

名紹元帝長子

成帝

名衍明帝長子

康帝

名嶽成帝母弟

穆帝

名晁康帝子

哀帝

名不咸帝長子

帝奕

哀帝母弟

簡文帝

名昱元帝少子

孝武帝

名曜簡帝三子

安帝

名德宗武帝長子

恭帝

名德文武帝次子

附十七國

兩晉

二

絲





惟以魏收書為主凡百三十卷

北史

唐李延壽字遐齡相州人父多識舊事嘗以宋齊梁陳魏齊周隋天下參隔南方謂北為索虜北方指南為島夷其史於本國詳他國略思有以改正之擬春秋編年例事未成而卒延壽乃追述先志本魏登國元年盡隋義甯二年作本紀十二列傳八十八謂之北史本宋永初元年盡陳禎明三年作本紀十列傳七十謂之南史合百八十八篇其書頗有條理延壽年少知名仕終兼修國史

魏

拓跋珪

引

恪

子攸

修

嗣

睿

宏

元陸

朗

贊詩左遷

漢昭烈帝

在位三年  
號章武

漢昭烈不獨英雄已也跡其結關張於草莽識趙雲於座中不忍取劉琮荆州不忍棄荆州百姓固已立心信義志在安民者矣至孔明高不仕之風帝不靳三顧之請君臣遇合稱極盛焉雖偏安西蜀不如魏之中原吳之江左然以帝室之裔為獻帝發喪服制曹丕篡漢始稱尊號武擔即位猶之鄱南踐祚也所可惜者以羽之勇失諸呂蒙以帝之智失諸陸遜遂至失荆州敗猓亭未免使英雄短氣耳

帝即殺寬厚  
知人待士

諸葛亮管蜀之匹

關張有國士之風

昭烈帝  
初曹操從容謂帝曰。今天下英雄。惟使君與孤耳。帝方食失匕箸。其韜晦如此。○帝與關羽張飛友善。恩若兄弟。趙雲詣公孫瓚座中。見帝帝奇之。雲遂從帝。○曹操擊劉表。會表卒。子琮舉州降。帝屯樊。或勸帝攻琮。荆州可得。帝曰。劉荆州臨亡。託我以孤。遺背信。自濟吾不為也。荆人多歸帝。眾至十餘萬。輜重無數。日行無幾。或謂帝曰。曹兵迫甚。宜速行。保江陵。不得復顧。帝曰。濟大事者。必以人為本。今人歸我。我何忍棄去。○諸葛亮寓居隆中。草廬。自比管仲樂毅。帝訪於司馬徽。徽曰。識時務者在俊傑。此間自有伏龍鳳雛。帝問誰。曰。諸葛孔明。龐士元也。帝由是請亮。三往。乃得見。帝曰。孤之有孔明。猶魚之有水也。○孫權嘗為其子求昏於關羽。羽不許。權怒。及羽攻樊城。呂蒙請發兵襲羽。權許之。蒙使白衣搖櫓作商賈服。晝夜兼行。盡縛江邊屯候糜芳等。開門出降。蒙獲羽及其子平。俱被害。遂失荆州。○帝恥關羽之沒。自將伐吳。張飛自閬州來會。其帳下張達范疆殺飛。吳陸遜用火攻。大破漢軍於猇亭。帝還永安而崩。

漢後帝

在位四十一年。號建興。延熙。景耀。炎興。

漢後帝克遵遺命。父事孔明。連吳伐魏。明討賊之義矣。而孔明亡。漢其能久乎。鍾鄧入蜀時。當劔閣天險。陰平小徑。使姜維守之。復為分護。則魏十萬之師。可以坐困。烏能攀木緣崖。入無人之地。七百餘里。而使成都守。哉。設聽北地王諶言。乘將士拔刀斫石之怒。背城一戰。以殉社稷。猶為善策。乃惑於譙周之論。遽上璽綬。出降於魏。毫不思蜀。喜笑自如。宜乎天下正統。歸於司馬。而赤帝子之炎。竟成灰燼矣。

木牛流馬

司馬懿畏蜀如虎

丞相亮出圖中原

七縱七擒

用兵攻心為上

鄧芝脩好於吳

司馬懿受巾  
愾之辱  
孔明食少事  
煩  
死諸葛走生  
仲達  
八陣圖  
天下奇才  
黎立垂泣  
李平致死

漢後帝  
昭烈病篤謂亮曰君才十倍曹丕必能安國終定大  
事若嗣子可輔輔之如其不才君可自取亮泣曰臣  
敢不竭股肱之力効貞忠之節繼之以死又救太子  
曰勉之勉之勿以惡小而為之勿以善小而不為惟  
賢與德可以服人汝父德薄不足效也汝與丞相從  
事事之如父心魏鍾會鄧艾統十餘萬眾趨漢中衛  
將軍諸葛瞻與艾戰於綿竹敗績及其子尚皆死之  
艾至成都譙周勸帝出降皇子北地王諶曰若理窮  
力屈當背城一戰同死社稷可也奈何降乎帝不聽  
諶哭於昭烈廟先殺妻子後自殺帝遂降姜維得帝  
敕命亦降魏封帝為安樂公他日與宴作蜀技旁人  
皆感愴帝喜笑自若司馬昭謂賈充曰人之無情乃  
至於是雖使諸葛亮在不能輔之况姜維乎他日問  
曰頗思蜀否答曰此間樂不思蜀也秘書令卻正教  
之曰若王復問宜泣而答曰先人墳墓遠在岷蜀乃  
心西悲無日不思因閉其目會昭復問對如前昭曰  
何乃似卻正語帝驚視曰  
誠如尊命左右皆笑之

曹操追尊太  
祖武皇帝  
不僭稱文帝  
號延康黃初  
凡七年  
獻僭稱明帝  
號太和青龍  
景初凡十三  
年

附魏

曹操名為漢臣實為漢賊弑伏后鳩皇子罪不容以死  
而且云吾欲為周文王抑何不自量也子丕以篡為禪  
觀其立九品官人之法及為詩文皆可為後世法奈違  
敦睦之風背維城之義凡茲同姓皆寄名王侯陋同匹  
夫而且收父妾殺任城殺甄氏其母罵曰狗鼠不食汝  
餘乃得列於開國之君不其惡而獻為甄氏親子射鹿  
感父其辭慘怛自處閨房宜不蹈故轍矣孰意初璧毛  
嬪即廢虞妃寵郭氏即殺毛嬪以至宗社無賴僅以養

芳初封齊王  
僭號正始嘉  
平凡十四年

髦初封高貴  
鄉公僭號正  
元甘露凡六  
年

魚僭稱元帝  
號景元咸熙  
凡六年

子芳。囑司馬懿輔政。未幾而懿死矣。魏可以存也。而懿之子師。嗣為大將軍。遂廢芳而立丕之孫髦。髦立而師死矣。魏可以存也。而師之弟昭。威權益甚。髦不勝其忿。曰。司馬昭之心。路人所知也。欲殺昭。反為昭所弑。而立操之孫魚。魚立而昭又死矣。魏可以存也。而昭之子炎。天意攸歸。方在衰經。急遽攘袂焉。夫司馬之不忠於曹。與曹之不忠於漢。一也。懿之父子兄弟不能成帝。與操之終身不敢稱帝。一也。豈非天哉。豈非天哉。魏自曹丕篡漢至魚。凡五世。計四十六年。

附吳

孫堅追尊武  
烈皇帝

策追封長沙  
桓王

權僭稱大帝  
號黃武黃龍  
嘉禾赤烏太  
元凡廿三年

孫堅以孤起之兵。首挫賊鋒。深蹂洛川。孫策以童年提一旅之師。開地千里。長沙父子。豈非漢室蓋臣哉。孫權上承遺烈。保據江東。徘徊觀望。未敢遽正名號。其僭位改元。在昭烈崩。曹丕死之後。亦可謂審時度勢者矣。然不能體父兄翊漢之心。思魯肅同仇之語。并力以除漢賊。徒聽呂蒙詭計。襲殺關羽。及昭烈問罪江陵。即懼而降。丕以冀一時免禍。猗亭之勝。權略雖雄。按諸忠孝兩虧。其去劉景升兒子。未為大遠也。權歿。少子亮繼。亮幼

亮僭號建興  
五鳳太平凡  
六年

休僭稱景帝  
號永安凡六  
年

皓初封烏程  
侯僭號元興  
甘露寶鼎建  
衡鳳皇天冊  
天璽天紀凡  
十七年

年取蜜。卽辨真偽。左右嘆其英毅。奈孫峻用事。繼代輔政。其惡尤甚。未幾。繼廢亮為會稽王。亮尋自殺。亮之兄。休繼喜讀詩書。與韋昭盛冲。講習舊聞。又能奮發。斬繼。頗有機略。然性多嫌忌。果於殺戮。七年而歿。子靈幼。萬彀等贊立權之孫皓。剝人之面。繫人之目。民實不堪。承爵十七年。晉師至石頭。面縛出降。而青蓋果入洛陽矣。蓋司馬氏虎視已久。以術愚吳。雖欲不亡。胡可得耶。吳自權至皓。凡四世。計五十二年。歸命侯亡於晉初。太康猶為得所矣。

吳

綏斷以青麻  
代之  
焚維頭裘

李密陳情

羊祜輕裘緩  
帶

峴山墮淚碑

晉世祖 在位廿五年號  
太始咸甯泰康

晉世祖司馬炎承魏氏奢刻厲恭儉封宗室用漢名臣子孫蜀平復益州半租吳降遣使分除苛政跡其始事亦屢見為政之仁第暗於知子納賈充女致元康之亂蔽於信讒疎齊王攸失藻鑑之明昧於防患尊寵劉淵基亂華之禍而且后黨專權三楊鬻爵清談放達上下相沿其何以國先是平吳之後納吳宮女五千羊車行樂乃九年而殂一傳卽壞晉赫赫以滅吳吳冥冥以滅晉非天道報施之巧乎

晉書

八

絲

世祖

阮籍青白服  
大小阮

山公啟事

王褒門人廢  
蓼莪

杜武庫

帝欲為太子娶衛瓘女賈充妻賂楊后左右遂納充女○齊王攸德望日隆荀勗等請之出為青州都督尋卒○后父楊駿弟玘濟三楊勢傾中外預政賣官○王衍畢卓等俱尚清談衍少時山濤見之嘆曰何物老嫗生此甯馨兒然誤天下蒼生者必此人也畢卓聞比舍釀熟因醉夜至甕間盜飲為掌酒者所縛明日視之乃畢吏部也樂廣笑曰名教中自有樂地何必乃爾○嵇康阮籍咸山濤向秀王戎劉伶號竹林七賢悅為放達○帝乘羊車遊宴於內宮人戶插竹以引帝車○時有殺母者阮籍聞之口嘻殺父猶可乃殺母乎坐中怪其誕籍曰禽獸知母而不知父殺父禽獸也殺母禽獸不若矣眾乃釋○杜預耽思經籍好左氏春秋為著釋例時王濟好相馬和嶠好積聚預嘗言濟有馬癖嶠有錢癖帝聞之謂曰卿有何癖對曰臣有左傳癖○賈充謂孫皓曰聞君在南方鑿人目剝人面皮此何刑也皓曰人臣有賦只君及奸回不忠者則加此刑充默然深愧

晉惠帝

在位十七年號永熙元康  
永熙永甯太安永興元熙

王戎牙籌會  
賣李鑽核

謝瞻三字掾  
將毋同

魯褒錢神論  
孔方兄

晉惠帝不辨菽麥聞蟄鳴問為官為私見民饑曰何不食肉糜一任南風烈烈牝雞司晨趙王倫弒后篡帝既伏誅矣而成都河間等各欲為天子究之互相魚肉不能自有其身皆由帝為人顛駭以至八王擾亂骨肉紛爭當世祖時和嶠言不了家事衛瓘言此座可惜其始不先見哉迹帝一生不保母后以媳弒姑不保妻子忽廢忽復不保其身食餅中毒識者謂司馬懿父子好殺之所致其信然歟

貂蟬盈坐狗尾續貂

齊萬年僭稱帝伏誅

趙庶據蜀李特殺之

惠帝

賈后名南風洛中謠曰南風烈烈吹黃沙。趙王倫勒兵殺賈后并殺張華潘岳石崇等僭稱帝改元建始淮南王允討之不克而死齊王冏成都王穎河間王顥等討倫伏誅尋即及穎舉兵反。河間王使長沙王乂殺齊王東海王越殺長沙王。穎入京師自為丞相顥表穎為皇太弟自為太宰東海王討之顥穎皆伏誅。初和嶠謂世祖曰皇太子有濟古之風而季世多偽恐不了家事他日衛權伴醉對世祖欲言而止者三第以手撫牀曰此座可惜世祖悟乃謬曰公真大醉矣。賈后殺太后并太子暹。立羊后及太子覃穎廢之越又復之張方又廢之既又復之張方顥之將也。帝食餅中毒或曰太傅越鳩之。初司馬懿平公孫淵男子十五以上七千人皆殺之殺偽公卿等二千餘人滅曹爽三族姊妹之適人者皆殺之司馬師誅李豐等亦皆夷三族。索靖知天下將亂指洛陽宮門前銅駝嘆曰會見汝在荆棘中。張翰因秋風起思菰菜蓴羹鱸魚膾嘆曰人生貴適志富貴何為即引去。

晉懷帝 在位六年 號永嘉

王衍三窟

晉懷帝立為太弟天姿清劭論務考經傳宣嘆為世祖復見及即位太傅越擅殺王延等十餘人帝但流涕而已羽檄徵兵卒無一至寇入宣陽門帝出華林園追兵執之殺太子虜羊后掘陵焚廟遷帝於平陽封會稽郡公劉聰問曰卿家骨肉何相殘帝曰為陛下自相驅除嗟嗟堂堂天子而作此語甚為中國羞而青衣行酒光極殞身不更悲乎珉雋之俱盡與賓朗之同斬魯梁之義貞兩朝大節誠不可沒云。

何曾日食萬錢

晉書

十

絲



汀東百六椽

陳敏據歷陽  
陶侃破之

懷帝  
京師飢困日甚。太傅越使以羽檄徵天下兵入援。卒無至者。漢劉聰使前將軍呼延晏寇洛。執帝及太后羊氏去。會聰宴羣臣於光極殿。使帝著青衣行酒。庾珉王雋不勝悲泣。聰惡之。殺珉等。帝亦遇害。賓朗魯梁事見後。後劉曜納羊氏為后。問曰：吾何如司馬家兒羊氏曰：陛下開基聖主。彼亡國暗夫。一婦一子及身三耳。不能庇意。謂世間男子皆然。自奉巾櫛以來。始知天下有丈夫也。曜甚愛之。王衍等奉越喪還葬。石勒率輕騎追之。執衍等。問以晉故。衍曰：計不在已。且自言少無宦情。因勸勒稱尊號。冀以自免。勒曰：君少壯登朝。何得言少無宦情耶？破懷天下。非君而誰。夜使人排牆殺之。時諸名士遊宴新亭。周顛嘆曰：風景不殊。舉目有江河之異。因相視流涕。王導愀然變色曰：諸君子當戮力王室。克復神州。何至作楚囚對泣耶？眾皆收淚謝之。京洛人有兼男女體。亦能兩用人道。而性又淫。蓋自咸甯後。士大夫皆尚男寵。甚於女色。遂致陰陽氣亂而妖作。

桑版署

張光死如登仙

丞相睿出師  
露次

晉愍帝 在位四年  
號建興

晉愍帝當播亂之餘。長安復陷。內外阻絕。苟非忍恥送箋。士民何以生為。不得已。羊車一乘。肉袒出降。羣臣號泣攀車。帝亦悲不自勝。尋至平陽。稽首聰前。聰出。使帝戎服前導。見者指之曰：此故長安天子也。遇宴饗。使能為。而身受其難。非盡失德也。皆由祖宗挾數用術。以得天下。使聰奴再入。幽辱六宮。子孫被絀。而典午之裔。四傳即滅。於情則慘。於理固當也哉。

張實獻璽  
遣兵入援

陶侃平杜弼  
於湘州

日隕地又三  
日相承出於  
西而東行

愍帝

劉曜陷長安內城飢甚帝泣曰當忍辱出降以活士  
民遂送箋於曜中丞吉朗曰吾智不能謀勇不能死  
何忍君臣相隨北面事賊乎乃自殺及帝遇害尚書  
辛賓抱帝大哭曜并殺之○曜陷涇陽獲將軍魯充  
梁緯飲之酒充曰不敢求生惟求速死曜曰義士也  
與之劍令自殺緯妻辛氏美色曜將妻之辛大哭曰  
妾夫已死義不獨生且一婦而事二夫明公安用之  
曜曰貞女也亦令其自殺○典午司馬別號○祖逖  
少有大志與劉琨同寢中夜聞雞鳴蹴琨起曰此非  
惡聲也因起舞後逖為豫州刺史渡江中流擊楫曰  
祖逖不能清中原而復濟者有如大江琨謂人曰常  
恐祖生先我著鞭○陶侃刺廣州在署輒朝運百甕  
於齋外暮運於齋內人問其故答曰吾方致力中原  
過爾優逸恐不堪事故自勞耳又嘗語人曰大禹聖  
人乃惜寸陰至於眾人當惜分陰每宴集自飲必有  
定限權常不盈或勸少進則悽愴久之曰年少時曾  
有酒失亡親見約故不敢踰

晉元帝

在位六年號建武  
大興永昌

宗  
質循為世儒

王與馬共天下

晉元帝以牛繼馬隆準龍眼顧盼煒如思晉者咸歸加  
以天性簡儉容受直言祥刑向化史稱中興焉後世責  
之者以二帝蒙塵不聞有勤王之舉然草創江東斬衰  
避號豈皆可議哉惜其即位之後僅僅自保卒以王敦  
肆逆憂鬱而歿雖有運甕之士行擊楫之士稚寄命之  
茂引絕裾之太真高名之若思伯仁相與戮力王庭而  
沒齒不能收侵疆咫尺豈非明斷不足不曾有中原之  
志與

割 鉛刀豈無一

火 日夜出高三

元帝 三國時張掖郡水湧寶石負園有石馬七及犧牛之象又有牛繼馬後之謠故司馬懿深忌牛氏會有將牛金者懿心疑之遂為二榼分貯酒而共一口名金侍飲自飲佳者而以鳩飲金金死至是恭王妃夏侯氏適與小吏牛氏通而生帝○陶侃字士行祖逖字士雅事見前○帝謂王導曰茂弘方寄卿以百里之命○溫嶠字太真欲詣建康其母崔氏固止之嶠絕裾而去○戴淵字若思王敦下石頭若思舉兵拒戰而敗後一日奉詔見敦敦謂曰我此舉天下以為何如若思曰見形者謂之逆體誠者謂之忠敦笑曰卿可謂能言時呂猗有恨於若思說敦殺之志士無不痛惜○敦之作亂也才協等勸帝盡誅王氏帝不許王導率其族詣闕待罪周顛將入導呼曰伯仁以百口累卿顛不顧及見帝申救甚至導不知也甚恨之尋以導為都督敦謀旋沮呂猗說敦殺顛敦問導導不答敦遂殺顛後導見顛救已之表執之流涕曰我雖不殺伯仁伯仁由我而死幽冥之中負此良友敦竟不朝天子而返武昌鎮

晉明帝 在位三年 號太甯

王彬切諫王敦

晉明帝少與庾亮溫嶠相友善王敦思圖廢帝誣以不孝嶠曰鈞深致遠非淺局所量以禮觀之可謂孝矣逆謀遂沮即位後敦親任嶠嶠亦謬為勤敬會丹陽尹缺敦命嶠往至建康盡以敦謀告帝帝與庾亮畫計遣王導討之導聞敦疾篤率子弟為敦發喪眾信以為死咸有奮志帝率諸軍襲擊破前鋒出敦屍跽而斬之非智勇深沉何能光復大業哉使歷年久而復能以文廢清談以武濟削弱晉祚其不墜乎

溫嶠手板擊錢鳳墜幘

王敦三計

陶侃竹頭木屑

明帝  
元帝委任刁協等王敦不能平於是嫌釁始構每酒  
後輒咏魏武帝樂府歌曰老驥伏櫪志在千里烈士  
暮年壯心不已以如意打唾壺為節至壺邊盡缺然  
經略指麾能使千里外肅然而麾下紆擾恆不能攝  
識者知其無成至是復欲舉兵使郭璞筮璞曰無成  
又問曰吾壽幾何答曰明公起事禍必不久若住武  
昌壽未可量敦大怒曰卿壽幾何璞曰命盡今日日  
中遂收璞斬之○帝自出覘敦軍敦晝夢日環其營  
驚寤曰黃鬚鮮卑兒來耶亟追之不及帝母鮮卑人  
故云○惠懷之初河東先擾郭璞筮之投策而嘆曰  
嗟乎黔黎將湮於異類桑梓其剪為龍荒乎遂潛結  
姻昵避地東南未幾而大亂起庾翼幼時嘗令璞筮  
公家及身卦成曰建元之末邱山崩長順之初子凋  
零及康帝改元建元或謂庾冰曰子忘郭生言耶邱  
山上名何用此號冰撫然嘆恨及帝崩何充改元為  
永和庾翼嘆曰天道精微乃如是永和者長順也吾  
殆不免矣是年翼卒璞先從郭公送其  
青囊中書九卷由是天文五行無不精洞

卞壺父子忠孝

溫嶠灑泣登舟

桓彝起兵赴難

晉成帝

在位十七年  
號咸和咸康

晉成帝六歲時庾亮殺南頓卽能詰問流涕庾暉欲害  
王允之震怒而憚飲醢惜主少時艱悞激蘇峻之亂峻  
雖狂悖使當時犬牙相制亦未敢遽反夫何庾亮輕淺  
無謀處置失宜遂致遺憂國母遷帝石頭亮之擅權悞  
國非帝之寵任太過哉倘非溫嶠諸公協力同心蘇峻  
何能授首陶侃握重兵不聞救援必待嶠再三邀說共  
成厥功嶠真誠心王室者也帝能任用國士以平大慙  
舍子立弟尤為盛德矣

陶侃討郭默  
斬之

王述不答江  
東米價

陶侃折翼之  
夢

成帝

庾亮殺南頓王宗。帝不知也。久之，帝問亮曰：「白頭公何在？」亮對以謀反，伏誅。帝泣曰：「舅言人作賊，便殺之。」人言舅作賊，當何如？○庾惲以酒餉王允之，覺而飲。犬犬斃，密奏之。帝曰：「犬舅已亂天下，小舅復欲爾耶？」○庾亮以蘇峻久在歷陽，終為禍亂，欲徵之。卞壺溫嶠累止之，不聽。乃下詔徵峻，為大司農。峻拒命曰：「臺下云：我欲反，豈得活耶？」我甯山頭望廷尉，不能廷尉望山頭。遂結祖約舉兵，內向乘風，縱火臺省宮闕。一時燼蕩，侵逼六宮。裸剝士女，士女至以苦草自障。無草者，坐地以土覆之。哀號之聲，徹中外焉。○葛洪字稚川，嗜神仙導引之法。從祖元學道，得仙號。葛仙翁其煉丹秘術授之。弟子鄭隱、洪從隱學，盡得其秘。咸和初，司徒導召補主簿。千寶復薦為大著作，皆固辭。聞交阯出丹，獨求為句漏令。行至廣州，刺史鄭嶽留之。乃煉丹於羅浮山中，著述不輟。所著內外一百一十六篇，名曰抱朴子。○時庾亮雖居外鎮，而遙執朝權。王導內不能平，嘗遇西風塵起，舉扇自蔽。徐曰：「元規塵汚人。」

晉康帝 在位二年  
號建元 穆帝 在位十七年  
號永和 升平

殷浩書空作  
咄咄怪事字

謝萬後來之  
秀

晉康帝詔議經略中原。思所自立，雖不能一舉蕩平，亦足覘其意向。不意在位僅二年，穆帝繼之。任用桓溫伐漢平蜀，威名大振。褚裒表請伐趙，存中國體。奈彭城死亡畧盡，晉其稍頓矣乎。後石氏亂，溫請經略。殷浩師徒屢蹙，溫上疏廢之。自此內外大權悉歸於溫矣。帥師敗秦，進軍灞上，又伐姚襄，結陳而前。自中原淪陷，諸陵廢祀，溫能入洛修謁，固足伸臣子之情，而不知其戰勝攻取，適以自利，徒為晉厲耳。

晉書

十五

經

安石不起當  
如蒼生何

王彌何晏昇  
深桀紂

康帝穆帝  
桓溫生未甚溫嶠見之曰此兒有奇骨可試使啼及啼曰眞英物也其父彝以嶠賞遂名曰溫尚南康公主庾翼薦於帝曰溫有英雄之才願勿以常婿畜之時杜父殷浩並才名冠世翼勿之重也曰此輩宜束之高閣俟天下太平徐議其任○褚哀字季雅與杜父齊名有簡貴風桓彝嘗曰衛玠神清杜父形清又曰季雅有皮裏春秋言其外無臧否丙有褒刺也謝安亦云哀雖不言而四時之氣已備○殷浩善玄言或問曰將蒞官而夢棺將得財而夢糞何也浩曰官本臭腐故得官而夢尸錢本糞土故得錢而夢穢人以爲名言浩既廢其後溫復欲以爲尙書令先遣書告之浩欣然將答書慮有謬誤開閉凡數十次竟達空函溫怒絕之浩父美字洪喬卽世傳不作致書郵者也○北海王猛姿度儼偉神爽俊發不參其神氣者略不與交惟悠然自得候風雲而後動及桓溫入關猛披褐詣之一面談當世之務捫蝨抗言旁若無人溫異之欲與俱南不就卒爲苻堅佐命

晉哀帝

在位四年號隆和興寧

帝奕

在位五年號太和

晉哀帝時桓溫跋扈請遷都洛陽議移洛陽鐘虞賴孫綽王述危言辨論其事不行至所引用髯參軍短主簿帝無法處之尋以餌藥得疾而殂帝奕嗣位溫聽郗超謂伊霍之舉可以立威乃詣建康諷褚太后太后悲號溫亦色動王彪之獨出霍光傳禮度儀制定於須臾遂廢帝爲東海王犢車歸第夫桓溫入朝立談以廢其君是篡弒之漸也而彪之助惡之罪亦不在郗超下遺真萬年當不止桓溫一人矣

王述不爲虛讓

沈勁移孝作忠洛陽死節

哀帝帝奕

桓温既以雄武專朝窺覲非望嘗臥對親賓曰為爾  
寂寂將為文景所笑衆莫敢對既而撫枕起曰大丈夫  
夫不能流芳百世不足遺臭萬年耶一日行經王敦  
墓望之曰可人可人其心跡如此○温以郗超為參  
軍王珣為主簿每事必與二人謀之府中語曰髯參  
軍短主簿能令公喜能令公怒○郗超黨桓氏而父  
愔乃心王室絕不令父知及病將革乃出書一箱付  
門生曰本欲焚之恐吾亡後家君傷慙特甚若見大  
損眠食幸呈此箱愔果哀悼成疾門生如趨語呈箱  
則悉與温往返密計也愔大怒曰小子死恨晚矣遂  
不復哭○王珣與謝玄同為温掾温俱重之嘗曰謝  
掾年四十必擁旄仗節王掾當作黑頭公皆未易才  
也○顧愷之食甘蔗恆自尾至本人怪之云漸入佳  
境尤善丹青每畫人或數年不點目睛人問故答曰  
四體妍媸本無關於妙處傳神寫照正在阿堵中嘗  
圖裴楷象頰上三毛觀者覺神明殊勝又為謝鯤像  
在石巖裏曰此子正宜置邱壑中世傳愷之有三  
絕才絕畫絕癡絕有文集行世晉陵之無錫人

桓温枋頭敗  
績歸罪袁真

司馬勳僭稱  
成都王伏誅

晉簡文帝

在位二年  
號咸安

晉簡文帝留心典籍意度閒雅雖凝塵滿席湛如也支  
道林謂其有遠體而無遠神清談差勝耳聞奕廢時亦  
嘗流涕不能討逆反正位焉時勢使然也郗超請省父  
帝曰致意尊公家國之事遂至於此因詠庾闡詩泣下  
沾襟帝之憂愁嘆息自有深情其意况可知二年而殂  
羣臣未敢擅立或云當大司馬處分彪之正色而談朝  
議乃定世皆謂彪之助温為虐不能善用其才然即此  
而論亦能矣哉

謝安見温逡  
拜

桓温威震內  
外

謝安為性命  
忍須臾

癸惑逆行入  
太微

庾闡詩云志士痛朝危忠臣哀主辱○王彪之正色曰君崩太子代立大司馬何容得異若往咨反為取責耳朝議遂定彪之年甫二十鬚鬢皓白時人謂之王白鬚○王羲之嘗自言我書比鍾繇當抗行比張芝草猶當雁行也與人書云張芝臨池學書池水為黑使人耽之皆若是未必後之羲之愛鵝喜其鳴山陰道士嘗養甘鵝羲之往觀喜固求市之道士云為寫道德經當舉羣相贈羲之欣然寫畢籠鵝而去○王徽之每居宅中便令種竹或問故但嘯咏指竹曰何可一日無此君在山陰夜雪初霽月色清朗四望皓然乃獨酌酒咏左思招隱詩忽憶戴逵時逵在剡便乘月泛舟詣剡及造門不前而返人問故答曰乘興而來興盡而返何必見安道○王獻之與兄操之徽之俱詣謝安二兄多言俗事獻之寒温而已既出客問安三王優劣安曰小者佳客問故安曰吉人辭寡獻之工草隸善丹青七八歲時學書羲之密從後掣其筆不得嘆曰此兒後當有大名嘗書壁為方丈大字羲之甚以為能觀者如堵

晉孝武帝

在位廿四年  
號甯康太元

謝安違眾舉  
親圍棋賭墅

古挹死節

王恭濯濯如  
春月柳

晉孝武帝冲年踐祚謝安輔政務舉大綱謝玄謝石才能稱職新亭數語從容以消桓温之心淝水一戰談笑以折苻堅之寇厥功偉矣使安不出鎮廣陵關土開疆中原大可望也不意會稽王道子權姦構孽哲輔云亡毒賦年滋愁民歲廣帝復日夕酣歌張貴人寵冠後宮乃以一言之戲被絀清暑殿中嗟嗟長星見而猶舉酒相祝曰長星勸汝一杯酒自古何有萬歲天子古人遇災而懼謂之何哉剗刃其胸宜已



桓元鬱鬱不得志

徵處士戴逵不至

和伊二弄笛

孝武帝  
桓溫來朝詔謝安王坦之迎於新亭時都下人情洶洶云欲誅王謝因移晉室溫既至大陳兵衛延見朝士坦之流汗沾衣倒執手板安神色不變從容謂溫曰安聞諸侯有道守在四鄰明公何須壁後置人溫曰正自不能不爾命撤之與安笑語移日郗超為溫謀主臥帳中風動帳開安笑曰郗生可謂入幕之賓矣溫以疾還鎮而卒○謝玄謝石大破苻堅於淝水秦兵敗走見八公草木及風聲鶴唳皆以為晉兵書夜不敢息死者什七八謝安得驛書知秦兵已敗時方與客圍棋攝書置牀了無喜色客問之徐答曰小兒輩遂已破賊既還內不覺屐齒之折○道子擅權與安有隙安請出鎮廣陵尋卒帝詔曰新喪哲輔戎華未一○道子不親機務惟擊首昏目為長夜飲桓元嘗候道子正值其醉賓客滿坐乃張目謂曰桓溫晚塗欲作賊云何元伏地流汗良久謝重為解曰宣武公黜昏登聖功超伊霍道子謂曰儂知儂知○張貴人年近三十帝戲曰汝以年當廢吾意更屬少者已而醉寢清暑殿貴人遂弑帝

東西錄

皇甫希之

劉裕碎琥珀枕

晉安帝

在位廿二年號隆安元興義熙

恭帝

在位一年號元熙

晉安帝口不能言飢飽不能辨寒暑非已出興居之度皆道子為之節制桓元稱兵犯闕遷帝潯陽劉裕一出而削平之魏崔浩曰劉裕之平禍亂司馬德宗之曹操也後果令王韶之以散衣縊帝於東堂恭帝雖立僅擁虛名傅亮具禪位草詔請帝書之帝欣然曰晉氏久已失之今復何恨遂遜於瑯邪第與褚如共處一室煮食牀前踰年遇掩被之難與安帝無異雖有流涕之徐廣自醜之張偉亦何益哉

益智縱  
續命湯

羅企生一門  
忠孝

譙縱僭稱成  
都王尋敗

安帝恭帝  
桓元殺道子等僭稱帝遷帝於潯陽登御座而牀忽  
招羣下皆失色殷仲文進曰將由聖德深重地不能  
載元大悅改元建始或曰建始趙王倫偽號也改永  
始亦王莽始執權之歲僭逆冥符如此○劉裕與何  
無忌劉毅謀討元或曰劉裕烏合之眾耳勢必無成  
元曰裕勇冠三軍當今無敵劉毅家無擔石而擣蒲  
一擲百萬何無忌酷似其舅共舉大事何謂無成無  
忌劉牢之甥也○元兵屢敗甚懼問其眾曰朕敗乎  
曹靖之曰神怒人怨臣實懼焉元曰卿何不諫對曰  
諸君子皆以為堯舜之世臣何敢言及敗馮遷抽刀  
而前將刃之猶曰汝是何人敢殺天子遷曰吾殺天  
子之賊遂斬之○德宗安帝之字○恭帝被廢時秘  
書監徐廣悲涕哀勵侍中謝晦謂之曰徐公得無小  
過廣曰君為宋朝佐命身是晉室遺老悲歡事固不  
可同○裕以酒授張偉進帝偉曰醜君求生不如死  
遂自飲而卒裕又命褚啖之踰垣而入以被掩帝口  
遇害

附十七國 漢即前趙 後趙 三秦  
五燕 五涼 蜀 夏

劉淵僭號元  
熙永鳳和瑞  
凡六年

和一月  
聰僭號元興  
嘉平建元麟  
嘉凡八年

兩晉雲擾之國有十七焉漢劉淵匈奴也仕晉為甯朔  
將軍幼好學嘗自言吾縱觀書傳竊鄙隨陸無武絳灌  
無文道由人弘一物之不知固君子所恥也二生遇高  
皇而不能建封侯之業兩公屬太宗而不能開庠序之  
美惜哉遂兼學武事妙絕羣輩時或慷慨獻歎縱酒長  
嘯識者知其非常人永興元年自稱大單于尋僭稱帝  
據平陽子和嗣弟聰弑之自立攻晉弑懷愍時有流星  
落平陽北八十里視之則肉也長二十丈廣二十七步

曜僭號光初  
凡十二年

臭達平陽肉旁常有哭聲未幾聰死子粲嗣靳準篡之  
劉氏無少長皆斬東市族子劉曜盡殺靳氏而自立改  
號趙子熙嗣為石虎所滅後趙石勒羯也劉聰之臣年  
十四隨人行販洛陽倚嘯上東門王衍見而異之謂左  
右曰向者胡雛吾觀其聲視有奇恐將為天下患遣收  
之則勒已去矣勒雖不學而雅好文史嘗令儒生讀史  
傳聽之每以其意論古帝王善敗之故往往暗合一日  
使人讀漢書至酈食其勸立六國後大驚曰此法當失  
何遂成王業讀至留侯諫曰賴有此耳其英達如此大

石勒僭號太  
和建平凡十

六年

引僭號延熙  
凡一年  
虎僭號建武  
太甯凡十五

興二年稱王尋僭稱帝據上黨嘗顧問侍臣曰朕可方  
古何等主對曰陛下神武邁高皇雄略超魏祖其古軒  
轅之亞乎勒笑曰人苦不自知卿言太過朕若遇高皇  
當北面事之與韓彭競鞭爭先脫遇光武當竝驅中原  
未知鹿死誰手大丈夫行事當磊磊落落如日月皎然  
終不能如曹孟德司馬仲達父子欺人孤兒寡婦狐媚  
以取天下也朕當在二劉間軒轅豈所擬乎羣臣頓首  
稱萬歲尋死子弘嗣石虎弑之并盡殺勒種而自立遷  
於鄴淫惡異常時諫者有獵車千乘養獸萬里奪人妻

年  
世二月  
世六月  
鑿僭號青龍  
凡四月  
祇僭號永甯  
凡一年  
冉閔僭號永  
興凡三年  
慕容廆僭位  
四十九年  
皝僭位十五  
年  
僭僭號元平  
光馬凡十二  
年

女士萬盈宮之語。嘗升凌霄觀望之。笑曰。我家父子如是。自非天崩地陷。亦復何愁。但須抱子弄孫。日為樂耳。尋死。子世嗣。兄遵弒之。弟鑿弒。遵自立。石祇又僭帝於襄國。先亡冉閔。弒鑿。并盡殺石種而自立。改號魏。為慕容儁所滅。燕慕容氏。鮮卑也。前燕始慕容廆。遷邑於遼東。自稱大單于。張華見之。嘆為命世器。大興四年。封遼東郡公。子皝嗣。稱燕王。遷龍城。子儁嗣。僭稱帝。據鄴。一夕夢石季龍齧其臂。寤而惡之。命發其墓。剖棺出口。踢而罵之。曰。死胡乃敢夢生天子。尋死。子暉嗣。為苻堅所

暉僭號建熙  
凡十一年  
苻洪僭位一  
年  
健僭號皇始  
凡四年  
生僭號壽光  
凡二年  
堅僭號永興  
甘露建元凡  
廿八年  
不僭號太安  
凡一年

滅。前秦蒲洪氏也。石虎之將。永和六年。以草付之。讖改姓苻。自稱三秦王子。健嗣。僭稱帝。據長安。子生。止一目。童時。洪戲之。曰。吾聞瞎兒一淚信乎。侍者曰。然。生怒。輒引佩刀。自刺出血。曰。此亦一淚也。洪大驚。既嗣位。嗜殺無厭。有諫之者。則曰。野獸饑則食人。飽當自止。天豈不愛人。正以百姓犯罪不已。故助朕專殺而施刑教耳。但勿犯罪。何怨天尤人。未幾。苻堅弒之。自立。信任王猛。削平諸國。大舉寇晉。敗於淝水。歸長安。為慕容沖所攻。奔五將山。姚萇弒之。子丕僭帝。於晉陽。馮該殺之。苻登僭

登僭號太初  
凡八年  
宗僭號延初  
凡一年  
姚萇僭號白  
雀建初凡十  
年  
興僭號皇初  
卯始凡廿二  
年  
泚僭號永和  
凡二年  
李特僭號建  
初凡一年  
雄僭號建興  
晏平王衡凡

帝於隴東。姚興殺之。苻崇又僭帝於湟中。為乞伏乾歸所滅。後秦姚弋仲羌也。永和七年封高陵郡公。子襄自稱大單于。據許昌。為桓溫所敗。即為苻堅所殺。弟萇仕堅為龍驤將軍。及襄死。懼奔渭北。自稱秦王。太元十年。弑堅。據長安。僭稱帝。一夕夢堅率鬼兵刺之。出血數斗。寤而驚悸。遂患陰腫。刺之。出血如夢。萇乃狂言殺陛下者。臣兄襄。非臣也。遂死。子興嗣。湘繼之。為劉裕所滅。蜀李特。巴西氏也。永甯元年。自稱益州牧。子流嗣。兄雄繼之。稱成都王。尋僭稱帝。國號成。報張駿書曰。吾過為土

三十二年  
期僭號玉恒  
凡三年  
壽僭號漢興  
凡五年  
勢僭號太和  
嘉甯凡四年  
張軌十二年  
諡武公  
是六年諡昭  
公  
茂五年諡成  
公

大夫所推。然本無心於帝王也。按秦始皇時有長人長五丈。見宕渠。秦史胡毋敬曰。五百年。其地必有異人。為大人者。雄之稱尊號。其先出自宕渠。識者皆以為應之。雄死。兄子班嗣。李越弑之。而立李期。李壽弑之。而自立。改號漢。子勢嗣。為桓溫所滅。前涼張軌。安定夷也。仕晉為征西軍司。永甯元年。以王室多難。陰圖保據河西。追竇融故事。乃求為涼州刺史。尋封樂鄉侯。大城姑臧。名臥龍城。又封西平郡公。不受進拜。太尉涼州牧。子寔嗣。弟茂繼之。臨終囑姪駿曰。我家世世忠順。汝其勉之。駿

駁廿二年諡  
文公  
重華九年諡  
昭公  
昭靈二月  
祚僭號和平  
凡一年  
元觀九年諡  
冲公  
天錫十二年  
呂光僭號太  
安麟嘉龍飛  
凡十三年  
紹僭位一年  
纂僭號感帝  
凡二年  
隆僭號神鼎  
凡二年

立有勸稱涼王者不聽。子重華嗣。曜靈繼之。兄祚篡焉。自稱涼王。張琚等攻殺之而立元觀。其叔天錫又弑元觀而自立。為苻堅所滅。後涼呂光。昭陽氏也。苻堅之臣。太元十三年自稱天王。據姑臧。傳位於子紹。僭稱太上皇。紹又讓位於庶兄纂。沉湎無度。呂超弑之而立呂隆。為姚興所滅。南涼秃髮烏孤。鮮卑別種也。呂光之臣隆安元年自稱西平王。據廣武。弟利鹿孤嗣。稱河西王。俣檀利繼之。先稱涼王。以姚興勢盛。乃去年號獻款。興使韋宗詣其鎮。觀釁。俣檀與宗縱談機變。無窮辭致。清辨。

烏孤僭號太  
和凡三年  
利鹿孤僭號  
建和凡二年  
俣檀僭號卯  
昌嘉平凡十  
三年  
段業僭號神  
璽天璽凡四  
年  
蒙遜僭號永  
安元始承元  
凡三十三年  
牧犍僭號永  
和凡六年  
李暹僭號庚  
子建初凡十  
三年

宗出而嘆曰。命世大才。經綸名教者。不必華宗夏士。撥煩理亂。澄氛濟世者。亦不必八索九邱。五經之外。冠冕之表。信自有人也。宗還語興。興謂羣臣無俣檀敵。尋復稱王。為乞伏熾磐所滅。北涼沮渠蒙遜。盧水胡也。亦呂光之臣。隆安元年。起兵推段業為涼州牧。尋弑之。遷姑臧。自稱西河王。子牧犍嗣。為拓跋燾所滅。西涼李暹。隴西人也。段業之臣。隆安四年自稱涼公。據燉煌。酒泉子歆嗣。弟恂繼之。為沮渠蒙遜所滅。後燕慕容垂。皝子也。初封吳王。以車騎大將軍。敗桓溫於枋頭。威名大震。為

歆僭號嘉興  
凡九年  
恂僭號永建  
凡二年  
慕容垂僭號  
建興凡十二  
年  
寶僭號永康  
凡二年  
盛僭號建平  
長樂凡三年  
熙僭號光始  
凡六年  
高雲僭號正  
始凡二年  
慕容冲僭號  
更始凡一年

慕容評所忌出奔。臣於苻堅太元九年。苻丕敗。垂遂僭  
帝於中山。子寶嗣出奔。慕容評亦僭帝於中山。慕容麟  
弑之自立。魏人攻之。而麟出奔。蘭汗弑寶。稱昌黎王。慕  
容盛殺之自立。盛又遇弑而立垂子熙。寵妃苻氏。苻死  
悲號躑躅。若喪考妣。大殮訖。復啟其棺。與交接。制百寮  
哭臨。令有司檢察哭者。有淚以爲忠孝。無則罪之。已而  
徒跣送葬。馮跋閉城。拒而弑之。高雲篡焉。跋又殺雲。自  
立爲北燕。則義熙五年也。跋死。其弟弼殺跋子翼。而自  
立爲拓跋燾所滅。西燕慕容冲亦皝子也。太元十年。僭

永僭號中興  
凡九年  
慕容德僭號  
建平凡五年

帝於阿房。刑罰失中。頓遭韓延之弑。推殺隨爲燕王。慕  
容永殺之自立。徙上黨爲慕容垂所滅。南燕慕容德亦  
皝子也。隆安二年。稱燕王。尋僭稱帝。據廣固。嘗燕集羣  
臣。酣笑曰。朕可方古何等主。鞠仲曰。陛下中興聖后。少  
康光武之儔。德顧左右。命賞仲帛。干正。仲以多辭。德曰。  
卿調朕。朕不調卿乎。卿飾對非實。朕故以虛言相賞。實  
不謬加。亦何足謝。由是讜言日進。尋死。爲十餘棺。夜分  
出四門。潛瘞山谷。莫知其屍所在。兄子超嗣。暴虐無狀。  
百姓苦之。一日臨軒。顧謂封孚曰。朕於百王。夫誰爲比。

拒僭號太上  
凡六年

十七國

國仁僭號建  
義凡三年  
乾歸僭號太  
初更始凡三  
年  
熾磐僭號永  
康建卯凡十  
七年  
慕示僭號永  
卯凡四年  
勃勃僭號龍  
昇鳳翔昌武  
真興凡二十  
年  
昌僧號承光  
凡一年  
定僭號勝光  
凡四年

對曰可方桀紂。趙大慚怒。字巖然。不為改容。徐步而出。  
鞠仲失色。謂孚曰。與天子言。何亢厲如是。宜還謝。孚曰。  
年七十。墓木已拱。惟求死耳。何謝為。未幾。為劉裕所滅。  
西秦乞伏國仁。亦鮮卑也。苻堅之臣。太元十年。自稱大  
單于。據金城。弟乾歸嗣。稱秦王。遇弒。而子熾磐嗣。暮末  
繼之。為赫連定所滅。夏勃勃。亦匈奴也。初事姚興。義熙  
三年。稱天王於朔方。曰朕方統一天下。君臨萬邦。新城  
宜名統萬。以赫連為姓。僭稱帝。置刀鑿之刑。殺人無算。  
子昌嗣。定繼之。為拓跋壽所滅。右十七國或稱十六國者不數北燕也

附北魏

拓跋珪僭稱  
道武帝號登  
國皇始天興  
天賜凡廿三  
年

北魏傳十三世。計一百五十年。始自拓跋珪。黃帝之後。  
昌意少子。受封北國。有大鮮卑山。因以為號。傳至毛始  
大十三世。生詰汾。畋遇天女。與之相偶。暮而復遇。抱一  
子。授之曰。此君子。善視之。子孫相承。當世為帝王。子即  
力微也。時有諺云。諺汾皇帝無婦家。力微皇帝無舅家。  
力微之後。曰猗盧者。晉懷帝時。與劉琨結為兄弟。表封  
代公。至愍帝時。進為王。六傳至什翼犍。生而奇偉。有大  
度。國少繒帛。代人許謙盜絹二疋。守者以告。令匿之。曰

嗣僭稱明元  
帝號永興神  
瑞泰常凡十  
五年



僭稱太武  
帝號如光神  
號延和太延  
太平真君延  
平凡廿八年  
僭稱文成  
帝號興安興  
光太安和平  
凡十四年  
引僭稱獻文  
帝號天安皇  
興凡五年

卿勿洩。吾不忍視謙面。使謙或慚而自殺。是以財辱士也。又嘗擊賊。流矢中其目。賊破得射者。左右欲屠刺之。曰。彼各為其主。何罪。竟釋之。會苻秦來伐。部落分散。孫拓跋珪復自立為代王。其俗謂土為拓。后為跋。因以為氏。尋為魏王。據平城。隆安二年。僭稱帝。恢拓中原。留心經術。制度規模。負絕一時。但荒於色慾。殺人奪妻生子。遇弒。嗣能誅紹自立。力行孝道。柔然諸國。皆來助祭。有足稱者。子壽繼立。滅北燕。北涼。平夏寇宋。高車人臣蠕蠕。遠遁。武烈赫然。又能信任崔浩。不事胡神。凡塔廟之

宏僭稱孝文  
帝號延興承  
明太和凡廿  
九年  
恪僭稱宣武  
帝號景明正  
始永平延昌  
凡十六年  
詔僭稱孝明  
帝號熙平神  
龜正光孝昌  
武泰凡十二  
年  
子攸僭稱孝  
莊帝號建義  
永安凡三年

在境者盡滅無遺。真為暢事。第毒遍六州。嬰兒貫槩。殘酷太甚。卒為常侍所弒。濬以孫繼立。不興師旅。國賴以安。子劬勤於為政。賞罰嚴明。有高世絕俗之意。然惑於佛法。每引朝士入沙門。位付稚子。身死母手。悲夫。宏遷洛陽。改姓元氏。儉約寬慈。制作明備。江左五朝莫及。尤好讀書。五經百家無不淹貫。文章詩賦隨興輒作。有時馬上口授。及其成。不改一字。子恪不守國政。造佛寺一萬三千。魏業衰矣。詔以幼子嗣位。胡太后肆虐。六鎮俱叛。封疆日蹙。濬之孫子攸繼之。即為爾朱世隆所弒。元

恭儻稱節閔  
帝號晉泰凡  
一年

元暉繼號建  
明凡二月

朗儻稱廢帝  
號中興凡六  
月

修儻稱孝武  
帝號太昌永  
熙凡二年

暉立未踰年亦為世隆所廢而弔之孫恭少有智度以  
元又擅寵託病絕言垂一紀居龍華佛寺無所交通子  
攸死世隆謀立之恐實不語乃令所親申意恭勃曰天  
何言哉世隆大悅遂立之尋為高歡所廢既廢為賦詩  
曰朱門久可患紫極非倩哉顛覆立可待一年三易換  
時運正如此惟有修真觀未幾被弑朗即位信都尋以  
疎遠遜之高歡歡立宏之孫修在位三年銳然有撥亂  
之心奈高歡迫逼奔入長安依宇文泰自是魏土裂而  
為二不可復合矣

三國志

漢

諸葛亮

昭烈初見亮屏人請曰漢室傾頽羣雄竊命孤不自揣  
欲伸大義於天下而知術短淺遂用猖獗今計將安出  
亮答曰曹操擁百萬眾挾天子以令諸侯此誠不可與  
爭鋒孫權據有江東已歷三世國險而民附賢能為之  
用此可與為援而不可圖也荆州北據漢沔利盡南海  
東連吳會西通巴蜀此用武之國而其主不能守此殆  
天所以資將軍益州險塞沃野千里高祖因之以成帝  
業而劉璋闇弱知能之士思得明君將軍既帝室之胄  
信義著於四海若跨有荆益保其巖阻西和諸戎南撫  
夷越東結孫權而徐觀變於天下霸業可成漢室可興  
也亮事昭烈一生只此數語昭烈奔江夏亮奉命求  
救於孫權權時擁兵柴桑意觀望亮入見知權不可說  
而可激乃進曰本與曹操並爭天下者將軍與劉豫州  
也今操遂破荆州威震四海英雄無所用武故豫州道

三國志

二十八

餘

逃至此將軍量力而處之若能與中國抗衡即宜早與之絕若不能蓋北面而事之權怒曰如君言劉豫州何不遂事之亮曰田橫齊壯士耳猶守義不辱况豫州帝室之胄英才蓋世安能為之下權勃然曰吾不能舉全吳之地受制於人吾計決矣顧豫州新敗之后安能抗此難亮因曰曹兵遠來疲弊聞追豫州一日一夜行三百餘里此所謂強弩之末勢不能穿魯縞者也且北人不習水戰將軍誠命猛將將兵數萬而豫州精甲尚可萬人合力規之破操必矣操破而荆吳勢強鼎足之形成矣成敗之機決在今日權大悅遂召周瑜等定計敗曹兵於赤壁

關羽

下邳之役曹操獲羽以歸拜偏將軍禮待甚厚羽時心在昭烈無留意而以其厚遇誓立効報操會袁紹攻劉延於白馬遣其大將顏良聲勢甚盛操使羽擊之羽望見良麾蓋策馬直刺良於萬眾之中斬其首還報操知羽且去重加賞賜羽乃盡封其前後醜賜拜書告辭而奔昭烈左右欲追之操曰此義人彼各為其主弗追也

羽性剛傲上不肯為士大夫下昭烈既定益馬超來降超才武雄傑羽亦聞其名而羽時守荊州未識超乃書問孔明超人才可誰比孔明答書曰孟起兼資文武雄烈過人自是黥彭之偶當與翼德並驅爭先然未及髯之絕倫逸羣也羽美鬚髯故亮謂之髯羽省書大悅以示賓客

張飛

曹操追昭烈及於當陽之長阪時操兵數十萬而昭烈使飛將二十騎為斷後飛乃據水斷橋瞋目橫矛望曹軍大呼曰身是張翼德也可來共決死敵卒無敢近者昭烈以是得脫益州之役昭烈遣飛以偏師泝流而上時巴郡太守嚴顏拒守飛與戰生擒之呵顏曰大軍至何不降顏答曰此中但有斷頭將軍無降將軍也飛怒令左右斫頭顏色不變曰斫頭便斫頭何怒耶飛壯而釋之引為上客竟以顏傲下都縣數十

趙雲

曹兵追至當陽昭烈棄妻子走雲時身抱弱子即後主也又保護甘夫人且戰且走皆得脫後在漢中雲偶將

數十騎出營輕行而適值操場兵大至雲勢逼遂前直  
突其陳操兵散復合雲亦陷陳復出曹兵追及營張翼  
欲閉營堅守雲反令大開營門偃旗息鼓操疑雲有伏  
且引去雲輒搗鼓震地以連弩從後追射曹兵驚遁墮  
漢水死者無算昭烈明且自來視戰處嘆曰子龍一身  
都是膽也

龐統

穎川司馬徽有人倫鑒嘗謂統曰南州士當以子爲冠  
冕昭烈在荆州統時令未陽不治免官魯肅遺昭烈書  
曰龐士元非百里才使處治中別駕之任始可展其驥  
足耳諸葛亮亦言之昭烈遂與談大賞異待之亞於亮

法正

正多陰謀善設奇制變昭烈取益州定漢中皆正力也  
既蒙委任外統都畿內參帷幄一祭之德睚眦之怨無  
不報復擅殺毀傷已者數人或謂孔明曰法正大橫宜  
啟主公少加裁抑孔明曰主公之在公安也北畏曹操  
之強東憚孫權之逼閨房肘腋又懼孫夫人生變此時  
進退狼跋而孝直輔翼其間能令主公翩然翱翔如鴻

冥之不可縈緲奈何欲禁孝直使不得行其志耶後昭  
烈彼亭敗績正時已卒亮嘆曰法孝直若在必能禁主  
上東行就東行必不傾危矣蓋亮與正趨尚各異而頗  
以公義相取

簡雍

蜀中大旱禁釀酒甚嚴索得釀具令與作酒者並罰一  
日昭烈出遊雍從道見一男女同行謂昭烈曰彼人欲  
行淫何不縛曰卿何以知之雍對曰彼有淫具與釀具  
同昭烈大笑因原欲釀者

秦宓

宓有才辯吳使張溫來聘百官皆集宓獨后至溫顧孔  
明曰彼何人也曰學士秦宓溫因問曰君學乎宓曰蜀  
中五尺童子皆學何必吾溫乃問曰天有頭乎宓曰有  
曰在何方曰在西方詩曰乃眷西顧又曰天有耳乎曰  
有曰天處高而聽卑詩云鶴鳴九臯聲聞於天曰天有足  
乎曰有詩云天步艱難非足何步曰天有姓乎曰有姓  
劉曰何以知之曰天子姓劉時應得如響一坐嘆異

譙周

周家貧未嘗問產業就古嗜學對典籍恆忻然獨笑忘其寢食頗曉天文而不為深言時軍旅數出百姓凋敝作仇國論以刺當事者鄧艾兵既入陰平君臣驚愕或謂當奔吳或謂走南中周曰自古未有奇他國為天子者今若入吳必須臣服然他日之吳即今日之蜀再辱之恥孰與一辱且欲奔南必須早計今大敵在前恐發足之日變且不測何至南之有

曹操

操沛國譙人桓帝時曹騰為中常侍封費亭侯養子嵩莫知生出本末或曰夏侯氏之子嵩生操字孟德小字阿瞞靈帝時為典軍校尉起兵討卓後劫獻帝都許自為大將軍封武平侯建安十五年操下令曰孤始舉孝廉年少自以本非巖穴知名之士恐為海內人之所見凡愚欲為一郡守好作政教以建立名譽使世士明知之故在濟南始除殘去穢平心選舉違迕諸常侍以為強豪所忿恐致家禍故以病還去官之後年紀尚少顧視同歲中年有五十未名為老內自圖之從此卻去

二十年待天下清乃與同歲中始舉者等耳故以四時歸鄉里於譙東五十里築精舍欲秋夏讀書冬春射獵求底下之地欲以泥水自蔽絕賓客往來之望然不能得如意後徵為都尉遷典軍校尉意遂更欲為國家討賊立功欲望封侯作征西將軍然後題墓道言漢故征西將軍曹侯之墓此其志也而遭值董卓之難興舉義兵是時合兵能多得耳然常自損不欲多之所以然者兵多意盛與強敵爭倘更為禍始故泝水之戰數千後還到揚州更募亦復不過三千人此其本志有限也後領兗州破降黃巾三十萬眾又袁術僭號於九江下皆稱臣名門曰建號門衣被皆為天子之制兩婦預爭為皇后志計已定人有勸術使遂即帝位露布天下答言曹公尚在未可也後孤討擒其四將獲其人眾遂使術窮亡解沮發病而死及至袁紹據河北兵勢強盛孤自度勢實不敵之但計投死為國以義滅身足垂於後幸而破紹梟其二子又劉表自以為宗室包藏奸心乍前乍卻以觀世事據又荆州孤復定之遂平天下身為宰相人臣之貴已極意望已過矣今孤言此若為自大欲

人言盡故無諱耳設使國家無有孤不知當幾人稱帝  
幾人稱王或者人見孤強盛又性不信天命之事恐私  
心相評言有不遜之志妄相忖度每用耿耿齊桓晉文  
所以垂稱至今日者以其兵勢廣大猶能奉事周室也  
論語云三分天下有其二以服事殷周之德其可謂至  
德矣夫能以大事小也昔樂毅走趙趙王欲與之圖燕  
樂毅伏而垂涕對曰臣事昭王猶事大王臣若獲戾放  
在他國沒世然後已不忍謀趙之徒隸況燕後嗣乎胡  
亥之殺蒙恬也恬曰自吾先人及至子孫積信於秦三  
世矣今臣將兵三十餘萬其勢足背叛然自知必死而  
守義者不敢辱先人之教以忘先王也孤每讀此二人  
書未嘗不愴然流涕也孤祖父以至孤身皆當親重之  
任可謂見信者矣以及子植兄弟過於三世矣孤非獨  
對諸君說此也常以語妻妾皆令深知此意孤謂之言  
顧我萬年之後汝曹皆當出嫁欲令傳道我心使他人  
皆知之孤此言皆肝鬲之要也所以勤勤懇懇敘心腹  
者見周公有金縢之書以自明恐人不信之故然欲使  
孤便爾委捐所典兵衆以還執事歸就武平侯國管不

可也何者誠恐已離兵爲人所禍也既爲子孫計又已  
敗則國家傾危是以不得慕虛名而處實禍此所不得  
爲也前朝恩封三子爲侯固辭不受今更欲受之非欲  
復以爲榮欲以爲外援爲萬安計孤聞介推之避晉封  
申胥之逃楚賞未嘗不舍書而嘆有以自省也奉國威  
靈仗鉞征伐推弱以克強處小而禽大意之所圖動無  
違事心之所慮何向不濟遂蕩平天下不辱主命可謂  
天助漢室非人力也然封兼四縣食戶三萬何德堪之  
江湖未靜不可讓位至於邑士可得而辭今上還陽夏  
柘若三縣戶二萬但食武平萬戶且以分損謗議少減  
孤之責也十九年封魏公加九錫尋進位諸侯王上  
十九年弒伏后及皇子二人廿一年進爵爲王廿四年  
孫權稱臣於操侍中陳羣等皆勸進操曰若天命在吾  
吾爲周文王矣廿五年薨

曹丕  
不作壽陵制曰昔堯葬穀林通樹之禹葬會稽農不易  
畝葬山林則合乎山林封樹非古也壽陵其因山爲體  
毋封樹毋立寢殿園邑夫葬藏也欲人不得見也骨無

痛痒之知。豈非樓神之宅。吾欲使易代之後。不知其處。毋藏金銀。毋施珠玉。漢代諸陵。無不發掘。至燒取玉匣。金縷骸骨。并盡是焚如之刑也。死而重死。豈不痛哉。其以此詔藏之宗廟。副在尚書秘書三府。

曹彰

彰封任城王。負絕力。手格猛獸。意氣慷慨。父操嘗抑之。曰。汝不讀書慕道。而好擊劍馳馬。此一夫之用。何足貴。彰對曰。丈夫當為衛霍。將十萬騎。橫行沙漠。乃作博士。耶。操嘗令諸子言志。彰曰。願為將。操曰。為將奈何。對曰。披堅執銳。為士卒先。賞必信。罰必果。操大笑。嘗從征。烏桓。乘勝逐北。諸將請曰。受節度。不得過代。彰曰。大將行。間。唯利所在。何節度為。徑上馬。令軍中後出者斬。一日。夜追及虜。桑乾。大破之。已去。代二百里。後歸報。操持彰鬚。曰。黃鬚兒。竟大奇。

曹植

植封陳思王。字子建。年十歲。輒誦讀詩論詞賦。數十萬言。善屬文。父操嘗視其文。曰。汝倩人耶。對曰。言出為論。下筆成章。奈何倩人。時銅爵臺新成。操使諸子登臺。各

為賦。植援筆立就。詞致瞻美。操奇賞之。植性簡易。不治威儀。不為鮮衣。怒馬。嘗登魚山。臨東阿。喟然有終焉之心。遂營墓其地。卒年四十一。所著詩賦銘頌雜論。凡百餘篇。

荀攸

曹操議征劉表。會袁譚與尚爭冀州。遣人乞降。請救操。以問羣臣。羣臣皆謂表強宜先平。譚尚不足憂也。攸獨曰。天下方有事。而劉表坐保江漢之間。其無四方志可知矣。袁氏據四州。帶甲十萬。而紹復以寬厚得眾。借使二子和睦。以守其成業。天下之難未息也。今兄弟構惡。勢不兩全。及其亂而取之。天下定矣。此時不可失也。公從之。救譚而擊尚。尚破。尋滅譚。冀遂平。公與攸每密謀。帷幄其所言。即子弟莫有知者。

賈詡

曹操晚年儲位未定。不植各樹黨。而操莫決。一日屏左右。商之。詡默然良久。不對。操曰。與卿言不答。何也。詡曰。屬有所思。故不對。操曰。何思。詡曰。思袁本初。劉景升父子耳。操大笑。於是儲位遂定。

華歆

歆與管甯同遊學三人雅相善時人號為一龍歆龍頭原龍腹甯龍尾西京之亂歆與同志六七人出武關道遇一丈夫獨行願與俱眾欲許之歆獨曰不可今在危險中既受之脫有進退得中棄乎眾卒與俱至中道丈夫忽墮井眾皆欲棄去歆曰業與俱矣棄之不義乃相率共引出之

劉惔

曹操既克張魯定漢中惔進說曰明公將步卒五千誅董卓北破紹南征表九州百郡十并其八威震天下今又舉漢中蜀人膽破矣劉備人傑也有度而遲得蜀日淺蜀人未附今若乘勝直前其勢必自傾以公神威因其傾而壓之可傳檄定也若少緩之諸葛亮明於治而為相關羽張飛勇冠三軍而為將蜀民既定據險守要不可犯矣公不從後有從蜀中來者言蜀人初不附境丙一日數驚盡如惔所策

張遼

合肥之戰遼先登陷陳連斬二將大呼已名直衝突至

權麾下權大驚急登高冢以長戟自守已望見遼其眾圍之數重遼直前急擊圍為之開出而復入盡其眾俱出是役也遼以步卒八百破敵十萬不嘗與侍臣嘆息曰此古之名虎

許褚

潼關之役曹操與韓遂單馬會語獨褚從時馬趨陰欲劫操而疑從騎是褚因問曰間公有虎侯者安在操指褚示之趨不敢動蓋軍中以褚方虎而癡號曰癡虎故趨問虎侯也

徐邈

邈字景山性嗜酒魏國初建酒禁甚嚴邈時為尚書私飲至沈醉校事趙達問以曹事邈對曰中聖人達以白曹操操大怒蓋醉客謂酒清者為聖人濁者為賢人也不踐祚邈累爵關內侯不一日問邈曰近頗中聖人不對曰昔子反斃於穀陽御叔罰於飲酒臣嗜同二子不能自懲時復中之然宿瘤以醜見傳而臣以醉見識不大笑顧左右曰名不虛立

鄧艾

三國志

三十四

錄



艾之伐蜀也。姜維戰敗，還守劍閣。鍾會攻之，不能克。艾上言：敵旣摧折，宜遂乘之。當從陰平，邪徑經漢德陽亭，趨涪，出劍閣，西百里，去成都三百餘里，奇兵擣其腹心，則劍閣之守必還。赴涪，會可方軌而進。若劍閣之軍不還，則應涪之兵必寡。兵法曰：攻其不備，掩其空虛，破之必矣。艾遂自陰平道行，無人之地，七百里，鑿山開徑，造作橋閣，山高谷深，至以羶自裹，推轉而下。將士皆攀木緣崖，魚貫而進。先登至江油，蜀人驚惶失措，望風奔潰。後主遂降。

孫堅

堅，吳郡富春人，少爲縣吏，以討黃巾賊，封烏程侯。後以長沙太守起兵討卓，爲被虜將軍。初平三年，討劉表，爲表將黃祖射殺。時年三十七。初，張溫以詔書召董卓，卓良久至，而詞對頗傲。堅前耳語溫曰：卓負大罪而敢鳴張大語，宜以名不時至，按軍法斬之。溫有難色，堅曰：古之名將，仗鉞臨戎，未有不斬。示威者，是以穰苴斬莊賈，魏絳侈揚干。今明公親率天兵，威震天下，而不忍於

一罪人，恐卓一旦得志，明公非其敵也。溫卒不果，卓遂橫論者，謂堅語若用賢於十萬兵。

孫策

策，字伯符，十餘歲時，卽喜交結知名士，與舒人周瑜相友善。瑜策同年，義重，斷金嘗從。袁術術與語，知其奇，嘆曰：使術有子如孫郎，死復何恨？父堅沒時，年才十八，率衆五六千，渡江轉鬪，破劉繇，擒黃祖，斬嚴白虎，遂併江東。所向無前，莫敢當其鋒者。然以性佻躁，爲許貢客所刺，創甚，乃呼弟權，佩以印綬，謂曰：舉江東之衆，決機兩陣之間，爭衡天下，卿不如我，舉賢任能，各盡其心，以保江東。我不如卿，遂卒。時年二十六。

孫權

濡須之役，曹操堅壁不出，權自乘輕舟，從濡須口入，曹軍諸將皆曰：此挑戰者，欲擊之。操曰：此必孫權自來，欲觀吾軍部伍也。飭軍中精嚴弓弩，以待權。行迴環五六里，輒作鼓吹，還操望其樓櫓，器械精明，整肅喟然嘆曰：生子當如孫仲謀。劉景升兒子豚犬耳。權時移筭於操，曰：春水方生，公宜速去。又云：如公不死，吾何得安操覽。

畢笑語諸將曰孫權不欺吾也遂還軍 昭烈伐吳吳使趙咨稱臣於魏魏主不問曰吳王何等主也咨曰聰明仁智雄略之主也不問其狀咨曰納魯肅於論議是其聰也拔呂蒙於行陣是其明也獲千禁而不殺是其仁也取荆州而兵不血刃是其智也據三州虎視天下是其雄也屈身於陛下是其略也又問吳主學乎咨曰王任賢使能志存經略雅有餘閒博覽羣籍探異採奇不效書生尋章摘句而已不曰吳如大夫者幾人咨曰聰明特達者八九十人如臣之比車載斗量不可勝數

休時成將於廣陵發一大家內有重閣戶樞可開閉四周徽道可通車馬鑄銅人數十長五尺皆大冠朱衣執劍侍立或刻殿中將軍或刻侍郎常侍破棺棺中雲母厚尺許以白璧三十枚藉只有一玉長尺許形如冬瓜從尸懷中透出兩耳及鼻孔皆有黃金如粟許大尸面體如生人蓋骸骨假金石以不朽此其驗云

孫皓 皓每宴羣臣無不沉醉別置黃門郎十人特不與酒侍

立終日為司過之吏宴罷乃各奏其闕失連視之咎謬言之愆罔有不舉小者黜責大者加刑焉 皓降晉至洛陽封歸命侯先有術士向廣筮庚子歲青蓋當入洛陽至是果驗

諸葛瑾 瑾字子瑜性醇篤嘗奉使入蜀弟亮仕昭烈瑾與亮公會相見而退無私言昭烈伐吳吳使瑾詣白帝求和時吳人震怒有言瑾別遣私人與備通者權曰孤與子瑜有生死不異之誓子瑜之負孤猶孤之負子瑜也瑾面長似驢權嘗大會羣臣使人牽一驢入題其面曰諸葛子瑜其子恪跪曰乞請筆益二字因舉筆續下曰之驢合坐大笑

周瑜 瑜字公瑾嘗從策攻晚拔之得喬公二女皆國色也策自納大喬而合瑜納小喬瑜與策丰神凝遠具美姿貌吳人皆呼策為孫郎呼瑜為周郎瑜精音律雖三爵之後有關誤瑜必知之知之必顧時人為之語曰曲有誤周郎顧 赤壁之役操兵時在江北瑜在南岸瑜步將

黃蓋進曰寇眾我寡難與爭衡然操軍船艦並首尾連  
接可燒而走也瑜遂取巨艦數十實以薪草灌膏油其  
中裹以帷幕上建牙旗蓋先以書報曹軍許稱降又預  
備走舸繫大船後引次俱發曹軍皆延頸望指言蓋降  
及至舟火齊發風復迅猛乘勢延燒操舟俱連欲解不  
得頭之煙燄障天人馬燒溺死者無算曹兵大敗遂退  
保南郡瑜方為權規取益州而道病巴邱遂卒年僅  
三十六

魯肅

肅字子敬家富好施時周瑜為居巢長遂與定僑札之  
分迎肅老母到吳與俱見權權一見與語大悅肅之  
初見權也賓客滿坐客罷肅亦起辭權乃獨引肅還合  
榻對飲因密請曰漢室傾危四方雲擾孤不自揣竊希  
桓文之略君何以教之肅對曰昔高帝區區欲尊義帝  
而不得者以項羽為害耳今之曹操猶昔之項羽將軍  
何由得為桓文乎肅竊料之漢室不可復興曹操不可  
卒除惟有鼎足江東以觀天下之變何者北方誠多務  
也因其多務勦除黃祖進伐劉表竟長江所極據而有

之然後建號帝王以圖天下此高帝之業也

甘肅

甯嘗禦曹操於濡須受命劫營乃精簡百餘人二更時  
各銜枚入所壘敵大驚及敵營鼓噪舉火如星則甯已  
還矣是役也曹軍號四十萬而甯以百餘人突入如無  
人然及還作鼓吹稱萬歲權喜曰此足驚駭老子否

呂蒙

蒙年十五六時嘗竊從其姊夫鄧當出擊賊當歸告其  
母母怒蒙曰貧賤難居脫誤有功富貴可致且不探虎  
穴安得虎子時當吏以蒙年少輕之蒙大怒引刀竟殺  
吏孫策聞而奇之名署別部司馬已隨周瑜戰曹仁於  
夷陵蒙計以柴柵其險道仁敗遇柴騎不得過獲其馬  
三百疋後魯肅代周瑜肅意尚輕蒙及與語大奇之酒  
酣拊其背曰呂子明吾不知卿才略乃爾

陸遜

遜故沈慮籌無不中嘗謂諸葛恪曰在吾前者吾必奉  
之同升在吾下者吾必扶持之君今氣陵其上意蔑乎  
下恐非安德之基恪不聽卒見殺

王祥

祥少有至性繼母朱氏妬每使掃除牛下祥孝事愈恭母嗜魚鮮會冰凍不可得祥解衣將剖冰求之冰忽自解雙鯉躍出母又思黃雀炙復有雀數十飛入其幙遂取以奉母家有丹柰結實母命守之每風雨祥輒抱樹泣其純孝篤至至今傳之

王覽

覽祥異母弟數歲時見祥被母楚輒涕泣抱持甫成童每諫其母母虐為之稍減母屢以非禮使祥覽輒自與俱又虐使祥婦覽婦輒趨與俱母患之為止祥漸有時譽母深疾之密醜祥覽覺徑起取酒祥疑有毒爭不與母遽奪反之地自後母賜祥饌覽輒先嘗母計遂不得行覽六子俱顯其後奕世多賢者著姓江左導即其孫也

賈充

充伐吳嘗屯軍項城忽失充所在時帳下督周勤方晝

寢見百餘人錄充引入一徑勤驚覺急出從夢中徑道往索之見充行至一府舍侍衛甚盛府公南面坐聲色俱厲謂充曰亂吾家事者爾與荀勗也既惑吾子又亂吾孫開使任愷黜汝而不去又使庾純詈汝而不改今吳寇當平汝又將表斬張華矣汝所以延日月享名位者是衛府之勳終當使系嗣死於鐘虞之間大子斃於金酒之中小子困於枯木之下荀勗亦宜同之但其先德稍濃故報在汝後耳言畢吐去充忽歸營顏色憔悴經日始復惠帝未充嗣子謚邁趙王倫之難果斬於鐘下賈后服金酒死賈午竟用大杖終蓋充止二女俱淫敗嗣子謚即女夫韓壽子也

山濤

濤嗜飲能至八斗方醉上聞試之飲以八斗而密益其酒極本量而止濤子簡知世不可為亦惟酒是耽習氏有佳園池簡每出遊必之池上置酒輒醉名之日高陽池時有童見歌曰山公出何許往至高陽池日夕倒載歸酌酺無所知時能騎馬倒着白接籬舉鞭向葛疆何如并州兒疆簡愛將也家在并州故云

阮籍

籍嘗遊蘇門山遇孫登與商略終古及棲神導氣之術登皆不應籍長嘯而退至半嶺忽有聲響振巖谷若鸞鳳之音乃登嘯也於是歸著大人先生傳其略云不睹羣蟲之處禪中乎逃乎深縫匿乎敗絮自以為為吉兆也行不敢離縫際動不敢出禪襜自以為得繩墨也然炎邱火流焦邑滅都羣蟲處乎禪中而不能越也君子之處域內何異蝨之處禪中乎此亦籍之本趣也

嵇康

康初嘗遊洛西暮宿華陽亭引琴而彈夜分忽有客詣之稱是古人共康談音律因索琴彈之而為廣陵散聲調絕世遂以授康仍誓勿傳人亦不言其姓氏後坐呂安獄將刑東市顧視日影素琴彈之曰昔袁孝尼嘗從吾學廣陵散吾靳勿與廣陵散於今絕矣

劉伶

伶字伯倫放情肆志不可一世惟與阮籍嵇康遊欣然神解攜手入林嘗乘鹿車攜酒一壺使人荷鍤隨之曰死便埋我妻懼其中酒每捐酒毀器涕泣而諫謂非攝

生之道伶曰善當祝鬼神自誓耳便可具酒肉妻從之伶跪祝曰天生劉伶以酒為名一飲一斛五斗解醒婦見之言慎不可聽遂飲酒御肉隗然復醉常因醉與俗人忤其人攘袂奮拳伶徐曰雞肋不可以安尊拳其人笑而止

卻詭

秦始中詔舉賢良擢詵上策帝見問曰卿自以為何如對曰臣舉賢良對策為天下第一猶桂林之一枝崑山之片玉帝笑

東晉

太康二年汲郡人盜發魏襄王冢一言安釐王冢得竹書數十車其紀年十三篇記夏以來至周幽王為犬戎所滅以事接之三家分仍述魏事至安釐王二十年其中經傳大異則曰夏年多殷益干啓位啓殺之太甲殺伊尹太丁殺季歷自周受命至穆王百年非穆王壽百歲也幽王既亡有共伯和者攝行天子事非二相共和也易經二篇與周易同易繇陰陽卦二篇與周易略同而繇辭則異卦下易經一篇似說卦而異公孫段二篇

晉書

三十九

繇

公孫段與邵陟論易國語三篇言楚晉事名三篇似禮  
記又似爾雅論語師春一篇書左傳諸卜筮爾春似造  
書者姓名也瑣語十一篇諸國卜夢妖怪相書也梁邱  
藏一篇先敘魏之世數次言邱藏金玉事繳書二篇論  
弋射法生封一篇帝王所封大歷二篇鄒子談天類也  
穆天子傳五篇言周穆王遊行四海見帝臺西王母圖  
詩一篇畫贊之屬也又雜書十九篇周食田法周書論  
楚事周穆王美人盛姬死事大凡七十五篇七篇簡書  
折壞不識名題冢中又得銅劍一枚長二尺五寸漆書  
皆科斗字初發冢者燒策以照取寶物故多燼簡斷札  
殘缺不復詮次武帝以其書付祕書校綴次第尋考指  
歸而以今文寫之哲時在著作得縱觀竹書隨宜分釋  
皆有義證

陸機陸雲

機字士衡雲字士龍兄弟齊名號曰二陸吳亡入洛張  
華重之曰伐吳之役利獲二俊後孫秀兵至機釋戎服  
著白帽與秀相見神色自若已而嘆曰華亭鶴唳可得  
復聞乎遂與弟雲同遇害是日昏霧晝合大風折木平

地雪深尺餘人以爲陸氏之冤也

阮脩

脩字宣子性簡任不涉人事尤不喜見俗人遇便舍去  
意有所思率爾蹇裳不避晨夕及至或又無言但欣然  
相對耳恆步行以百錢掛杖頭至酒店便陶然酣鬯而  
家無擔石之儲年四十餘未有室王敦等與斂錢爲婚  
皆名士也時慕之者求入錢而不得

惠賈后

后醜妬而短黑淫縱彰徹內外洛陽盜尉部一小吏美  
容止故給廚役乃忽有非常衣飾衆疑其竊也盜尉訊  
之小吏云向逢一老嫗說家有病人下云宜得城南少  
年厭之暫相煩當重報於是隨去上車下帷內簾箱中  
行可十餘里過六七門限箱忽見樓閣壯麗問此是  
何處云是天上卽以香湯見浴好衣美食將入見一婦  
人年可三十五六形短青色眉後有疵見留數夕共  
寢歡甚臨出贈此時聽者有賈后親屬在知是后慚笑  
而出他人入者多死惟此小吏以后愛故全后女臨海  
公主洛陽之亂爲人所略傳賣吳興錢溫溫以送女友

遇主甚酷亦其報云

嵇紹

蕩陰之敗天子蒙塵百官侍衛莫不散潰惟侍中嵇紹  
儼然端冕以身捍帝值兵交御輦飛矢兩集紹遂被害  
於帝側血濺御衣帝痛惜之及事定左右請浣帝曰此  
嵇侍中血也戒勿浣後東海王越過紹墓為哭之勸刊  
石立碑紹初以祕書丞起家或謂王戎曰昨於儔人  
中始見嵇紹昂昂如野鶴之在雞羣戎謂曰君未見其  
父耳 裴頠嘗曰使延祖為吏部尙書可使天下無遺才  
謂其有人倫鑒也紹嵇康子延祖其字

石崇

崇字季倫生青州小字齊奴父苞臨終分財諸子獨不  
及崇母為請苞曰此兒後自能得仕荆州刺史時劫遠  
使客商致富不貲嘗與貴戚王愷奢靡相競愷以裕澳  
釜崇以蠟代薪愷作紫絲布步幃四十里崇作錦步幃  
五十里崇塗屋以椒惜用赤石脂武帝每助愷以珊瑚  
樹賜之高二尺許枝柯扶疎愷示崇崇竟以鐵如意碎  
之愷大怒謂嫉已寶崇曰無足多恨當還卿乃命左右

悉出其家珊瑚樹高三四尺者六七株條幹絕世光彩  
耀日如愷比者甚眾愷悅然自失崇有別館在河陽  
之金谷一名梓澤後房數百俱極佳麗之選一妓名綠  
珠姿尤艷善吹笛孫秀使人求之崇盡出婢數十曰惟  
君所擇綠珠不可得也使者三返竟不許秀怒勸趙王  
倫誅崇介士到門崇謂綠珠曰今我為爾受罪綠珠泣  
曰當効死於前因自投樓下死尋斬崇東市臨刑嘆曰  
奴輩利吾財耳或詰曰知財為害何不早散之崇不能  
答

張華

吳未滅時斗牛間常有紫氣吳平紫氣愈明華聞豫章  
人雷煥精象緯乃要煥宿與登樓仰觀異氣華曰是何  
祥也煥曰寶劍之精上徹於天耳華曰在何郡煥曰豫  
章豐城節補煥為豐城令到縣掘獄入地四丈餘得石  
函光怪非常中有雙劍一刻龍泉一刻大阿其夕斗牛  
間氣遂不見煥乃取南昌西山北巖下土以拭劍光芒  
豔發大盆盛水置劍其上視之者目炫焉遣使送一劍  
并土與華留其一自佩或謂煥曰得兩送一張公可欺

晉書

四十一

絲

平煥曰本朝將亂張公當受其禍此劍以系張君墓樹  
耳靈物終當化去不久留人間也華既得劍寶之常置  
座側謂南昌上不如華陰赤土報煥書曰詳觀劍文乃  
干將也莫邪何不至雖然天生神物終當合耳因取華  
陰土一斤致煥煥以拭劍劍倍精明及華誅失劍所在  
煥卒子華為州從事持劍行經延平津劍忽從腰間躍  
出墮水使人汲水取之不得但見兩龍各長數丈蟠屈  
有文沒者懼而出須臾光彩映水波浪驚沸華嘆曰先  
君化去之言張公終合之論此其驗乎先是孫秀之亂  
武庫火華懼變作列兵固守而後救火故累代之寶俱  
燬如孔子履漢高斬蛇劍王莽頭無有存者時見一劍  
穿屋而飛莫知所由乃即張華所佩劍也一人有得鳥  
毛三丈以示張華華慘然曰此謂海鳧毛出則天下亂  
也吳郡臨平岸崩出一石鼓槌之無聲帝以問華華曰  
取蜀中桐材刻魚形以扣之則鳴如其言聲聞數里

潘岳

岳字安仁自少美丰姿嘗挾彈出洛陽道婦人遇之者  
皆連手縈繞投之以果果遂滿車長而博學善屬詞所

上頌賦俱流麗宏雅為世傳頌而性輕躁趨利與石崇  
等諂事賈謚謚二十四友岳為冠其母數諄之曰爾當  
知足岳不省及彼收入與母訣曰負阿母初孫秀嘗  
為小史給事岳岳數撻辱之秀脚忿及秀得志岳嘗遇  
之省內謂秀曰猶憶曠昔周旋否秀答曰中心藏之何  
日忘之岳自不知不免及遇害時石崇先已在市岳後至  
崇謂曰安仁卿亦復爾耶岳曰可謂白首同歸先是  
岳金谷詩有投分寄石友白首同歸之句竟成詩讖

衛玠

玠字叔寶風神秀異祖雖甚奇之總角時乘羊車入市  
見者皆以為玉人其舅王濟每見玠輒嘆曰珠玉在側  
覺我形穠又曰與玠遊迴若明珠在握朗然照人瑯邪  
王澄有高名少所推服每聞玠言輒嘆息絕倒時入語  
曰衛玠談道平子絕倒又云王家三子不如衛家一兒  
謂澄及王元王濟也樂廣為玠婦翁議者謂婦翁冰清  
女壻王潤玠入都人士聞其姿容觀者如堵玠遂以  
勞疾卒年僅二十七時人謂玠被看殺劉琰謝尚共論  
中朝人士或問杜父可方衛洗馬不尙曰安得比其間

晉書

四十二

絲



尚可容數人又云父膚清叔寶神清時論中與名士性  
王承及玠為當時第一

佛圖澄

澄本天竺人永嘉四年來洛陽自云百餘歲嘗服氣自  
養能積日不食又能役使鬼神腹旁有一孔以絮塞之  
每夜讀書則拔絮孔中出光照於一室每平旦至流水  
側從腹旁孔中引出五臟六腑洗之訖還內腹中石季  
龍造大武殿既成圖畫自古聖賢忠臣孝子烈士貞女  
於壁忽一日皆變為胡狀旬餘頭盡縮入肩中惟冠髻  
髣髴微出季龍秘不洩澄時對之流涕遂造墓於鄴西  
還寺獨語曰得二年平自答不得曰得二年平一年平  
百日一月平皆自答不得遂無言而卒後有沙門從雍  
州來言見澄西人關季龍掘冢視之惟見一石季龍曰  
石者我也葬我而去我將死矣明年季龍死

周訪

陶侃微時丁艱將葬家中忽失牛不知所所在遇一老父  
謂曰前岡見一牛眠田汗中其地若葬位極人臣又指  
一山云此亦其次當世出二千石言訖不見侃因尋牛

得之葬其處以所指別山與周訪兩人後歷顯貴具如  
老父言

周顛

顛自幼神彩秀徹雖時輩親狎莫能媒也庾亮嘗謂之  
曰諸人咸以君方樂廣顛曰何乃刻畫無鹽唐突西子  
王導甚重顛嘗枕顛膝而捫其腹曰此中何所有答曰  
此中空洞無物然足容卿輩數百人導不以為忤又嘗  
於導坐傲然嘯咏導云卿欲希稽阮耶顛曰何敢近捨  
明公遠希稽阮

杜后

成帝后杜預曾孫女少有姿容長猶無齒以故求婚者  
屢中格自帝納采一夜齒盡生正位七年崩先是三吳  
女子忽相與簪白花望之如素柰傳言天公織女死為  
著服未幾后應之

劉殷

殷有至行嘗夢人謂曰西籬下有粟寤而掘之得粟五  
十鐘銘曰七年粟百石賜孝子劉殷果食之七載始盡  
殷七子五子各授一經一子授太史公一子授漢書一

晉書

四十三

絲

門之內七業俱興。

干寶

寶博學多才嘗為著作郎其父有寵婢母甚妬之父亡母生納之墓中寶時年小不知也後十餘年母喪開墓而婢伏棺如生載歸經日因言其父嘗與飲食故不死嫁之生子寶兄嘗病氣絕積日不冷尋復蘇言天地間鬼神事如夢覺不自知死於是遂撰搜神記二十卷集古今神祇靈異諸變幻狀甚悉劉惔見之謂曰卿可謂鬼之董狐

顧愷之

愷之在殷仲堪府因假還仲堪特以布帛借之至破家遭風大敗遺篋仲堪曰地名破家真破家而行人安穩布帛無恙已還荆州人問會稽山水答曰干巖競秀萬壑爭流草木蒙籠若雲興霞蔚愷之重稽康四言詩因為之圖恆云手揮白日易日斷歸鴻難又嘗以一厨畫糊題其前以寄桓玄皆其平日最珍惜者玄發其厨後取畫而前緘題如舊還之給曰未開愷之見了無怪色道云妙畫通靈變化而去亦猶人之登仙嘗為散

騎常侍與謝瞻連省每於月夜長吟瞻聞遙贊之愷之聞贊彌自力或瞻倦將眠故令人代己為贊愷之不覺也則竟至申旦

王羲之

羲之字逸少導從子郗鑒嘗使門生求女婿於導導令就東廂徧觀羣從門生歸報曰王氏諸少並佳然聞信至咸自矜持惟一人在東牀坦腹食若不聞也者鑒曰正此佳婿耳訪之乃羲之也遂以女妻之羲之雅好服食養性不樂京師初渡浙江有終焉之志會稽多佳山水名士咸居之羲之嘗偕其同好孫綽許詢支遁等宴集山陰之蘭亭自為序以識其志序成或方之潘岳金谷詩序去官後與道士許邁為採藥遊恆不遠千里採名山泛滄海無所不劇每嘆曰吾當以樂死

謝安

安字安石甫四歲桓彝見而奇之曰此兒風神秀徹當不減王東海及總角神識沈敏器宇條鬯嘗詣王濛清言良久既去濛子修曰向客何如大人濛曰此客豐豐為來逼人寓居會稽與王羲之許詢支遁遊出則漁弋

晉書

四十四

絲

入則言詠了無處世意嘗遊臨安山坐石室臨濬谷悠然嘆曰此亦伯夷何遠又嘗與孫綽等泛海風起浪湧同舟者並懼安吟嘯自若舟人以安為悅之也猶去不止風轉急安乃徐曰將何歸耶舟人始迴眾服其雅量安之鎮廣陵也築壘曰新城嘗於城北築埭及安既沒後人追思之名為名伯埭安素重名士羊曇及卒後曇輟樂爾年行不由西州路為與安故所熟遊處也一日偶大醉石頭扶路唱樂而歸不覺至州門左右白曰此西州門曇悲感不已乃以馬策叩扉誦曹子建詩曰生存華屋處零落歸山邱慟哭而去

陶潛

潛字元亮高尚不羈性嗜酒為彭城令公田二頃悉令種秫穀曰吾常醉於酒足矣妻子固請種稅乃令以一頃五十畝種秫五十畝種稅當飲時潛若先醉便語客曰吾醉欲眠君可去郡遣督郵至縣吏白應東帶見潛嘆曰吾豈能為五斗米折腰向鄉里小兒竟解印去性不解琴而畜素琴一張絃徽不具每別酒之會則撫而和之曰但識琴中趣何勞弦上聲刺史王弘慕潛甚

嘗躬造焉潛稱疾不見弘乃密令人候其往廬山日遣潛故人齋酒先於半道要之潛既遇酒便引酌野亭欣然忘進弘遂出與相間潛亦不避歡宴窮日潛履敝弘顧左右為造履請度潛便伸脚令度之弘欲要之還州問所乘答云素有脚疾向乘籃輿乃令一門生二子共輿之至州而言笑賞適恬如也弘後欲見每於林澤中候之潛著五柳先生傳其略云先生不知何許人不好讀書不求甚解每有會意欣然忘食性嗜酒而家貧不能恆得親舊知其如此或置酒招之造飲必盡期在必醉既醉而退曾不吝情環堵蕭然不蔽風日短褐穿結簞瓢屢空晏如也嘗著文章自娛頗示己志忘懷得失以此自終其自序如此時人謂之實錄至宋元嘉中卒世號靖節先生

習鑿齒

鑿齒以桓温非望為著漢晉春秋起漢光武終晉愍帝於三國時蜀以宗室為正魏氏雖受漢禪尚為篡逆至文帝平蜀乃為漢亡而晉始興焉凡五十四卷冀裁温

之逆萌後竟以脚疾廢

孟嘉

嘉字萬年為桓温參軍温甚重之九月九日温燕龍山賓寮畢集時有風至吹嘉帽墮嘉不覺也温敕左右勿言欲觀其舉止良久温令取還之嘉恬然好酣飲愈多不亂温問酒有何好而卿嗜之嘉曰公未得酒中趣耳又問聽伎絲不如竹竹不如肉何謂答曰漸近使之然

寶緜妻

蘇氏名蕙字若蘭善屬文苻堅時緜為秦州刺史被徙流沙蘇氏思之乃織錦為迴文旋圖詩以寄緜其詞婉轉循環讀之凄婉凡八百四十字迴文詩起此

載記

劉聰

聰年淫虐災異特甚聰子約死一指猶煖久之乃蘇言見元海於不周山經五日復從至崑崙山三日復返不周見諸王公死者咸在宮室甚壯號蒙珠離國元海謂約曰東北有遮須夷國無主久待汝父為之汝父後三年當來來後國中大亂死亡略盡但可永明輩十數

人在耳汝且還後年當來約遂辭歸道經一國曰猗尼渠餘國引約入宮與皮囊一曰為我遺漢皇帝復謂約曰劉郎後年來必見過當以小女相妻約歸置囊几上俄而蘇使左右取几上囊開之則白玉一方題文曰猗尼渠餘國天王敬問遮須夷國天王歲在攝提當相見即馳使呈聰聰曰若審爾吾不懼死也及期子約先死聰尋病約乃晝見聰惡之謂劉榮曰往以約言為妖比日累見之此兒定來迎我何圖人死乃有神靈如是吾不悲死也未幾死以囊玉殉元海劉淵字永明劉曜字

石勒

勒既貴召武鄉耆舊赴襄國既至勒親與齒坐歡飲縱語平生初勒鄰居有李陽者歲嘗爭樞麻地迭相歐擊至是謂父老曰李陽壯士也何不來瀝麻是布衣之恨孤方崇信於天下甯仇匹夫乎乃逼召陽陽至勒與酣諛引陽臂笑曰孤往日厭卿老拳卿亦飽孤毒手因賜甲第拜參軍都尉

苻生

生止一目凡不足不具少無缺傷殘毀偏隻之字皆不

晉書

四十六

絲

得道犯而死者不勝紀有言刑濫者曰汝謗我殺之有  
言陛下聖明者則又曰媚我亦殺之所幸妻妾稍忤旨  
即殺燕羣臣稍後至皆殺又遣官人裸交於殿前不從  
亦皆殺蓋前後所殺親戚忠良截頭剝胎拉脅鋸首者  
無慮萬數

慕容德

妖賊王始聚眾泰山自稱太平皇帝號其父為太上皇  
兄征東將軍弟征西將軍德命討擒之斬於東市臨刑  
或問其父及兄弟所在始答曰太上皇帝蒙塵在外征  
東征西俱罹亂兵惟朕一身獨無聊賴其妻怒之曰一  
生止坐此口以至於此奈何復爾始曰皇后自古豈有  
不破之家不亡之國耶行刑者以刀環築之始仰視曰  
崩即崩矣及於訖命終不改帝號  
赫連勃勃  
勃勃凶暴好殺置刀劍於側有所嫌忍手自殺之羣臣  
忤視者毀其目笑者決其脣諍者謂之誹謗先截其舌  
而後斬之營都邑蒸土築城雖入一寸即斬作者而并

築之造五兵器精銳尤甚每呈一器工匠必死射甲不  
入斬弓人如其入即斬鎧匠既定長安徵隱士韋祖思  
祖思至恭懼過禮輒怒曰吾以國士徵汝汝何以非類  
處吾且昔不拜姚興何獨拜我我今未死汝猶不以我  
為帝王我死後汝輩弄筆舌  
不知當置我何地竟殺之

魏書

任城王順

靈太后宣淫特甚頗事雜飾遊幸無度順一日面折之  
曰禮婦人喪夫自稱未亡人首去珠珥衣不蔽綵陛下  
母儀天下年垂不惑過修容飾何以示後太后慙而還  
名八責曰何眾中見辱順曰陛下盛服炫容不畏天下  
人笑而獨羞臣一言乎后默然

古彌

魏主壽時上谷民有請苑園為田業者彌為入奏會壽  
與給事中劉樹恭彌侍坐良久不獲申乃徑起掉樹頭  
掣下牀手搏其耳拳毆其背曰朝廷不治實爾之罪壽

魏書

四十七

絲

失容放恭謝曰罪實在朕彌乃具狀以聞盡可之彌於是詣公車免冠自劾曰為人臣而逞其志於上前請伏無禮之罪熹釋不罪彌頭尖壽嘗名之口筆頭時人呼為筆公

李順

順之使涼州也凡十有二返而蒙遜數以金寶結順時崔浩心惡順偵知之密言於熹熹未之信也未幾熹以三方無事議伐涼問順順止之越二年又議伐涼順言涼州乏水草遠征不便於是浩遂與順廷爭熹從浩議及至姑臧水草甚豐茂熹自是銜順謂浩曰卿昔所言今乃信矣浩曰臣所言順事虛實皆此類也身為不忠而反謂臣讒之非陛下親見臣何以自明於是遂殺順

崔浩

浩奉詔撰國書書成三十卷時太史令皆諂事浩請立石銘勒以彰旨筆浩從之於是北人無不忿恚相舉譖浩以為暴揚國惡浩被族誅初浩構害李順芽萌已成夜夢秉火熱順寢室火作而順死浩與室家羣立觀之俄見順弟息號哭出曰此輩皆吾賊也揮戈奮擊悉投

諸河浩寤而惡之以語館客馮景仁景仁曰此真不祥也公其圖之浩不能悛至是禍及

高允

浩被收充同領史職太子召允使言國書皆浩所為且八言允小心慎密請赦其死允上見曰浩所領事多總裁而已至於著作臣多於浩魏主怒欲誅之太子曰允小臣逃亂失次耳臣卿問皆云崔浩所為魏主復問之允對曰臣罪當族誅不敢虛妄殿下哀臣欲勾其生耳魏主嘆曰直哉此人情所難而允能為之遂赦之

楊大眼

大眼楊難當孫也孝文將南伐令尚書李冲典選征官大眼往求焉弗許大眼曰尚書不見知聽某出一技便出長繩三丈許繫髻共走繩直如矢馬馳不及一時見者莫不驚詫冲曰此干載逸才也遂用為軍主大眼輒還顧其徒偶曰蛟龍得水此後不復與諸君伍矣妻潘氏亦善騎射每逢戰獵潘必戎裝與大眼並鑣齊驅還營則同坐幕下對諸寮言笑自若大眼每謂人曰此我潘將軍也

魏書

四八

絲

崔光

正始初元顯以四足四翼雞獻詔問光光引漢書劉向  
蔡邕之說以對而終之曰今之雞狀雖與漢不同其理  
未始不相類夫翼足衆多當是羣小扇助之象今或有  
自賤而貴格權結黨干預政事者倘亦君房之匹歟惟  
陛下睹影察形疏上恪大悅不數日而茹皓等並以罪  
伏法光弟子鴻弱冠便有志著述見晉魏前史皆成一  
家無所措意惟劉淵石勒等跨僭一方各有圖書未能  
統一乃撰爲十六國春秋書共百卷

李琰之

琰之性機警善談議於經史百家無不究覽每云崔光  
博而不精劉芳精而不博既精且博我於二子雅有微  
長時論者許其博不許其精琰之嘗謂人曰我所以好  
讀書者非求身後名但異見異聞本心所願蓋天性然  
豈爲聲名勞七尺也

靈徵

徐州蠶蛾喫人庭殘者一百一十餘死者二十二  
秀容郡婦人一產四男四產凡十六男

釋老

眞君七年詔誅長安沙門又令四方一依長安行事詔  
王公以下有私養沙門者皆送官曹不得匿限二月十  
五日過期不出者沙門身死匿者門誅自今以後敢有  
事胡神及造形像者亦門誅非常之人然後能行非常  
之事非朕孰能去此自是諸佛圖形像一時皆擊破經  
典盡煨燬沙門無少長悉坑殺

寇謙之

謙之奏造靜輪宮必極高令不聞雞鳴犬吠聲欲上與  
天神接時工費鉅萬經年不成謙之之卒也尸體引  
長弟子量之八尺三寸三日後忽復漸縮量之止六尺  
許

諸國

高昌 以下魏書

國有草名羊刺其上生蜜而味甚佳又有白鹽其形如  
玉國人取以爲枕名曰鹽枕

獠

獠者南蠻之別種也其人能臥水底以刀刺魚並鼻飲

魏書

四十九

絲

死則豎棺而埋之。至於忿殺，即父子不相避。若殺父，則求得一狗以謝其母，母得狗遂不復嫌恨。

龜茲

龜茲國俗多淫，置女市收男子錢入官。士多孔雀羣飛，山谷間人養而食之，孳乳如雞。王家長恆養千餘隻，其西北大山中有膏流出成川，人餽餽甚臭，人服之則齒髮更生。

疏勒

疏勒國人手足皆六指，產子非六指者即不育。

悅般

悅般北單于之部落也，語音與高車同，而其人喜清潔，剪髮齊眉，以醃醃塗之，豈然光澤。日三澡漱，然後飲食，與蠕蠕結好，其王嘗將數千人入蠕蠕，欲與大檀相見，入其界百餘里，見其部人不浣衣，不紉髮，不洗手，婦人舌舐器物，王乃謂其從人曰：「汝曹何誑我？」八此狗國遂馳還大檀，遣使追之，不及。國南界有火山，山傍石皆燹，鎔流地已復堅，凝人取為藥，即石硫黃也。

波斯

波斯產千年索，又產名馬，大驢駝日可行七百里。有犬鳥形如橐駝，能噉火，神龜中上書貢獻書云：「大國天子，天之所生，願日出處常為漢中天子。」波斯國王居利多，千萬敬拜。

大月氏

太武時，其國人商販京師，自云能煮石為五色琉璃。於是採石山中，即於京師鑄之，既成，光澤瑩潤，乃美於西方來者。詔以為行殿，光色映徹，觀者莫不駭異。自此中國琉璃遂賤。

小月氏

國城之東十里，有佛塔，周三百五十步，高八十丈，自佛塔初建，至魏之武定八年，八百四十二年矣。所謂百丈佛圖也。又乾陀國亦有佛塔，高七十丈，周三百丈，謂之離離佛圖。其國有鬪象七百，十人乘一象，各執兵仗，又縛刀於象鼻以鬪。

烏菴

烏菴土多林果，引水灌田，豐稻麥。人多信佛，寺塔極宏麗。人犯罪，應死則徙之靈山，不殺。西有檀特山，山上立

魏書

五十

絲



寺以驢數頭運食山下無人控御自知往來又有鉢和

高句麗以下北史

國有三京其官凡十二等官之最尊者曰大對盧貴者則聚戲涓水上玉列羽儀觀之事畢王以衣入水分左右二部以水石相濺擲喧呼競逐再三而止拜則曳一腳立多反拱行必插手土出三尺馬所謂果下馬也

勿吉

勿吉於東夷最强國南有從太山俗甚敬畏之不得於山上渡汗國無牛有馬有鹽池鹽亦生木皮上國人澡手面以溺初婚之夕男就女家執女乳而禮成其父母春夏死立埋之冢上作屋令不沾濕若秋冬死則以其月餅貂貂噉其肉則取之

烏洛侯

國人尚勇不姦竊慢藏野積而無寇盜之虞其國西北有魏先帝舊墟石室南北九十步東西四十步高七尺尺室有神靈太武帝嘗遣中書李敞告祭勒文石壁而

還

流求

流求俗無文字望月盈虧以紀時節睹草木榮枯以為年歲凡宴會執酒者必待呼名而後飲上王酒者亦呼王名厥田良沃先以火燒而引水灌之墾田之錡為刃長尺餘闊數寸王所居壁下多聚鬪體以為佳每春秋二時天清風靜東望依稀似有煙霧氣不知幾千里也

道臘

國中多奇樹婆羅那娑樹無花葉似柿實似冬瓜菴羅樹花葉似棗實似李昆野樹花似木瓜葉似杏實似楮婆田羅樹花葉實竝似棗而小異歌畢佗樹花似林檎葉似榆而厚大實似李其大如升

吐谷渾

吐谷渾有子六人長子吐延為昂城羌姜聰所刺劍猶在體急呼子葉延以屬其大將絕拔壘然後抽劍死葉延才十歲縛草為人號曰姜聰每旦輒射之射中則嗥叫涕泣其母曰賊讐已屠膾矣汝何自苦葉延泣曰誠

魏書

五十一

絲

知無益罔極之痛不能自釋耳母病三日不食葉延亦  
不食三日性嗜書自謂始祖封昌黎公吾為公孫案禮  
公孫之子得以王父字為氏遂以吐谷渾氏晉義熙  
初國主阿豺立白號沙州刺史沙州者部內有黃沙周  
迴數百里不生草木因號沙州阿豺嘗登西強山望墊  
江源顧左右問曰此水東流更有何名由何郡國入何  
方長史曾和曰此水經仇池過晉壽出宕渠始名墊江  
至巴郡入江度廣陵入海阿豺喟然曰水尚知歸吾乃  
無所歸乎遂遣使通宋獻方物阿豺有子二十人長  
子緯豺病革召諸弟子告之曰先公車騎舍其子虔而  
以大業屬我我敢忘先公之舉而以私緯乎其以慕蹟  
繼車騎者樹洛于豺所從得位兄也慕蹟亦豺弟又謂  
其子曰汝等各奉吾一隻箭俄命母弟慕利延曰汝試  
取一箭折之利延即折之又曰汝取十九箭折之延不  
能折豺曰汝曹知不單者易折眾則難摧侈力一心然  
後社稷可固言訖而死

于闐

國之城南五十里有贊摩寺即昔羅漢比丘盧旃為其

王造覆盆浮圖所上有辟支佛跣處雙跡猶存西五百  
里有比摩寺云是老子化胡成佛之所城東二十里有  
大水曰樹支水一名計式水城西十五里有大水名達  
利水二水會合俱北流所謂黃河也國王髮不令人見  
俗言見王髮其年必儉

大秦

國從條支西渡海曲一萬里西海之西有河河西有南  
北山山西有赤水又西有白玉山白玉山西有王母山  
所謂玉為堂者也

蠕蠕

蠕蠕者其先自號柔然魏太武帝以其狀蠢蠢類蟲故  
改號蠕蠕數傳至社論遂大強盛盡有沙漠之地自號  
豆大可汗豆大猶言駕馭開張也魏道武聞之謂其尚  
書崔宏曰蠕蠕昔來寇掠曾駕牝牛奔遁驅健牛隨之  
牝牛伏不能前人有教以健牛易之者蠕蠕曰其母尚  
不能行而況其子卒不易遂為敵所虜頑蠢若此今社  
論學中國之法置戰陳大啟邊害道家言聖人生而大  
盜起信哉

